

光緒順天府志

人物志十九

光緒順天府志

列女一

黃岡洪良品纂江陰繆基孫覆輯

昔召伯循行南國以布文王之政一時婦人女子類皆貞節自持此行露標梅諸詩所爲作也今之順天公之封地其遺化之所漸被有非尋常所能及者况

聖朝化始刑于德音爲嗣間閭之觀感興起炳焉與三代同風者乎考列女有傳肇自劉向其賢明貞慎節義等編實垂千古閨櫺之誠蔚宗撰史秉其義法厯代史家無不宗之則帷範所著甄採編摩勒成一書亦足以見一時風化之盛云爾若夫搜輯未廣遺漏尤多續而成之望諸來哲志列女

魏

漁陽太守陽尼妻高氏者

北史列傳

學識有文才

魏書列傳

於時婦人莫能

及魏書崔覽妻封氏傳

高祖勅令入侍後宮

魏書列傳

孝文幽皇后馮熙女有姿

媚偏見愛幸未幾疾病太后乃遣還家爲尼帝猶留念頗存訪之

又聞后素疹痊除遣閹官雙三念璽書勞問遂迎赴洛陽

北史孝文幽皇

后傳幽后表啟悉其辭也

魏書列傳

貞孝女宗者趙郡柏人人范陽盧元禮之妻也

北史列傳性至孝聞於

鄉里父卒號慟幾絕者數四賴母崔氏慰勉之得全三年之中形

骸消瘠非人扶不起及歸夫氏與母分隔便飲食日損涕泣不絕

日就羸篤盧氏合家慰喻不解乃遣歸甯還家乃復故如此者八

九焉

魏書列傳

及元禮卒追亡撫遺事姑以孝謹著

北史列傳

母崔以神寵

元年終於洛陽凶問初到舉聲慟絕一宿乃蘇水漿不入口者六

日

魏書列傳

其姑慮其不濟親送奔喪而氣力危殆自范陽向都八旬

方達攀輓號踊遂卒

北史列傳

有司以狀聞詔曰孔子稱毀不滅性蓋

爲其廢養絕類也李旣非嫡子而孝不勝哀雖垂俯就而志厲義遠若不加旌異則無以勸引澆浮可追號曰貞孝女宗

魏書列傳

易其

里爲孝德里樹李盧二門以悖風俗

北史列傳

隋

盧氏趙郡李士謙妻

涿州吳志謙傳云其妻

范陽盧氏

士謙家富於財躬

處節儉每以振施爲務州里有喪事不辦者士謙輒奔走赴之隨

乏供濟其後出粟數千石以貸鄉人值年穀不登債家無以償於

是悉召債家爲設酒食對之燔契各令罷去開皇八年卒於家盧

氏亦有婦德夫終所有賻贈一無所受謂州里父老曰參軍生平

好施今雖殞歿安可奪其志哉

隋書李士謙傳

乃散粟五百石以賑窮乏

免奴婢六十人

涿州吳志

元務光母者范陽盧氏女也

隋書列傳

少好讀書

北史列傳

甚有禮度

北史趙元

傳摺妻盛年寡居諸子幼弱家貧不能就學盧氏每親自授教北史列傳

世以此稱之仁壽末漢王諒舉兵反隋書列傳遣所署大將軍蘇良出

潞口以趣黎陽隋書列傳良以務光為記室北史列傳尋為官軍所敗隋書

鍾士雄母傳慈州刺史上官政簿籍務光之家見盧氏悅而逼之盧氏

以死自誓政為人凶悍隋書列傳怒甚以燭燒其面盧氏執志彌固竟

不屈節北史列傳

唐

鄭義宗妻盧氏幽州范陽人盧彥衡之女也舊書列傳案新唐

也涉書史善事舅姑新書列傳嘗夜有強盜數十人舊書列傳持兵劫其家

新書列傳鼓譟踰垣而入家人悉奔竄唯有姑獨在室舊書列傳不能去盧

冒刃立姑側為賊捽捶幾死新書列傳賊去後家人問曰羣兇擾橫人

盡奔逃何不懼答曰人所以異於禽獸者以其仁義也昔宋伯姬

赴火流稱至今吾雖不敏安敢忘仁義

舊書列傳

今隣里急難尙相赴

況姑可委棄耶若百有一危我不得獨生

新書列傳

其姑每歎云古人

稱歲寒然後知松柏之後凋也吾今乃知盧新婦之心矣貞觀中

卒

舊書列傳

崔繪妻盧者鸞臺侍郎獻之女

新書列傳

幽州范陽人也爲山東著姓

父獻有美名則天時歷鸞臺侍郎文昌左丞天授中爲酷吏來俊

臣所陷左遷西鄉令而卒

舊書列傳

繪喪盧年少

新書列傳

諸兄常欲嫁之

盧輒稱疾

舊書列傳

不許女兄適工部侍李思冲早亡

新書列傳

神龍初年

舊書列傳

思冲表求繼室詔許家內外姻皆然可思冲歸幣三百

新書

傳時思冲當朝美職諸兄不敢拒將婚之夕方以告盧盧又固辭

不可仍令人防其門盧謂左右曰吾自誓久已定矣

舊書列傳

豈再辱

於人乎甯投身爲婢是夕出自寶篋穢蟻面還崔舍斷髮自誓

新書

列宗族見者皆爲之垂淚舊書列傳思冲以聞武后不奪也詔爲浮屠

尼新書列傳諸尼欽其操行皆尊事之開元中以老疾而卒舊書列傳

李夫人本姓張諱口字口幽州高士李感之女也大父元哲官至安

東大都護長史與太宗有故賜姓李氏仕厯澶州司馬始家薊城

夫人幼而韶異長而婉穆金聲玉澤張說獨孤公燕郡夫人李氏傳有肅邑之譽

鄭萬鈞代國長公主碑初汝陽公夫人元氏生一男四女而卒繼室以夫人

封諸燕郡永甯里有通渠轉池巨石欽噉噴險淙潯洄潭沈沈殊

聲異狀而爲形勝遊衍之處者十四五前夫人之孫蘇氏之婦弱

歲嬉而墮焉舉家環流憚莫能救夫人投身赴水久之提挈僅免

其行已也寔多此類張傳

臨淄李伯魚妻范陽張氏女諱德性能日誦數千言習禮明詩達

音妙績德音容工蓋出人也伯魚善爲文擢校書郎出爲青州司

功而卒夫人寡居

張說李氏夫人傳

克彰義烈

舊書盧甫妻李氏傳

夫亡而未有子

舊書王阿足傳

以歸宗焉

王氏盧某母子景龍中撰天寶迴文詩凡八百一十二字誠其子

曰我歿之後爾密記之若逢大道之朝遇非常之主當以真圖上

獻至元宗朝東平太守始上之

涿州吳志

韋雍妻蘭陵縣君蕭氏

冊府元龜百四十

張宏靖鎮幽州表雍在幕府朱

克融亂雍被劫蕭聞難與雍俱出

新書列傳

左右格去以死不從雍臨

刃蕭氏涕而告曰妾不幸年少義不苟活

冊府元龜

願今日死君前刑

者斷其臂乃殺雍蕭意象晏然

新書列傳

雖兇悍圍視無不傷歎其夕

蕭氏亦卒太和六年九月幽州節度使楊志誠表明其事

冊府元龜詔

贈蘭陵縣君雍字叔和擢進士第

新書列傳

金

劉氏宛平劉仲洙女也嫁許古貞祐初古仕于朝留妻并二女于蒲大兵圍之劉泣語女曰兵勢危迫城不可保若一旦被塵汚及乃父不若死以自全遂咸自縊追封劉氏貞潔郡君長女諡定美

次肅姜以其事付史館

宏簡錄劉仲洙傳

元

程氏史天倪妻永清人武仙謀作亂設晏邀天倪天倪往遂爲仙所殺程氏聞亂懼汚於賊乃自殺子五人其三人尙幼俱死於難惟楫在乃天倪父秉直攜還北京

元史史天倪傳

事平收葬顏色如生刃

猶在手旌表其墓

永清周志

度娥順天張萬戶第八女

案霸州朱志云郝文忠原聘張夫

人汝南忠武王第八女卽度娥也

秀爽丙午入小學生七年矣日誦數百言比戊申二月女史屬詞孝經論語孟子易乾傳至下繫詩二南曲禮內則少儀中庸大學

儒行祭統祭義經解冠婚諸篇班氏女戒郝氏內則內訓通喪記六
卷皆成誦日兼二詩古律十篇學書下筆卽有成人之風旦夕家
居見家人或不整肅以禮責之又所誦書多能通大義時爲講說
其屬對才思敏捷無小兒女子語續夷堅志三如睡思昏昏如醉思間
心寂寂似禪心洗硯黑雲浮水面折花紅雨落牆頭滿地梨花三
月暮隔牆楊柳兩家春秋水芙蓉妝鏡曉暖風楊柳畫屏春皆有
思致肅州志又桃李東風蝴蝶夢關山明月杜鵑魂識者謂此詩不
佳後日果得病又四日亡甫九歲續夷堅志三

盧孝昌平人妻祝氏月英孝始聘其姊爲權力奪去父母以英續
盟英貌莊性慧事舅極禮敬女紅經史樂音皆通曉日不廢書夜
必刺繡夫婦未嘗離舍勢力者復欲奪英英憤恚死歸孝三年年

三十一

耳談

燕山項氏其夫江南人行賈燕薊間聘項與居未幾夫死項時年二十奉柩回江南誓以夫餘資養姑以自終比至姑已改適勵志子居以守夫祀盱江李宗列閱其事而賦之詩曰少無依倚老何堪白髮婆娑亂不簪夢裏尙思江北好悔將夫骨葬江南穀耕錄

王氏者良鄉費隱妻也隱有疾

元史類編列傳

病且死囑曰我家貧一子

一女雖妾所生無異汝所出也遂歿王氏居喪撫其子女既而子

又死服除謂其親屬曰妾聞夫乃婦之天今夫已死妾生何爲

元史

列乃執女手曰汝已稍知人事管鑰在此汝自司之遂相抱痛哭

是夜縊死園中

元史類編

柳氏者薊郡人爲戶部主事趙野妻未成婚而野卒柳哭之盡哀

誓不再嫁

元史列傳

兄將奪其志柳曰業已字趙夫婦之義已定雖死

豈有他志哉後寢疾不肯服藥曰我年二十六而寡今年逾半百

得死此疾幸矣遂卒

元史類傳

武用妻蘇氏正定人徙家京師用疾蘇氏割股爲粥以進疾卽愈

生子德政四歲而寡

元史類傳

夫兄利其資欲嫁之不聽未幾夫兄舉

家死惟餘三弱孫蘇取育之如己子

元史類傳

德政長事蘇氏至孝

蘇死時天大旱德政方掘地求水以供葬事忽二蛇躍出德政因

默禱焉二蛇一東一北隨其地掘之果得泉

元史類傳

人謂蘇氏孝義

之報

元史類傳

有司上其事旌復其家

元史類傳

節婦魏阿張大都路左警巡院咸甯坊人適魏明子蔓

元史類傳

家貧

事姑孝

元史類傳

其夫不事家業取回回債銀二定逃竄不知所往

阿張

元史類傳

家居養姑

元史朱甲妻邱氏傳

十年甘旨不闕後其夫還家復合

生一子至元三年夫病故賃房以居其子七歲老姑年九十五歲

本坊巷長朱進社長何常等具狀聞詔加旌表以勵風俗

元史類傳

王氏燕京人張買奴妻也

元史類編列傳

年十六買奴官錢塘病歿葬城

西十里外王氏每旦被髮步往奠之伏墓大慟欲絕久而致疾舅

姑力止其行乃已服闋

元史列傳

舅姑欲嫁之謂之曰吾子已歿新婦

尙少宜自圖終身計毋徒淹吾家也王氏泣曰父母命妾奉箕帚

於張氏今夫不幸早逝天也此足豈可復履他人門乎

元史列傳舅姑

迫之力

元史趙美妻王氏傳

固不從貞白無少玷熒居三十年而卒

元史類編列傳

王氏大都惠士元妻

元史類編列傳

至正十四年士元病革王氏曰吾聞

病者冀苦則愈乃嘗其冀頗甘王氏色愈憂士元囑王氏曰我病

必不起前妾所生子汝善保護之

元史列傳

待稍長從汝自嫁元史類編王

氏泣曰君何爲出此言耶

元史列傳

妾自得侍巾櫛誓與偕老君今不

幸疾若是脫有不諱

元史鄭伯文妻丁氏傳

妾義當死有他說乎

元史類編

君幸

有兄嫂此兒必不失所居數日士元卒比葬王氏遂居墓側蓬首

垢面哀毀逾禮常以妾子置左右歲餘妾子亦死乃哭曰無復望

矣屢引刀自殺家人驚救得免元史列傳終喪親舊皆攜酒醴祭土元

於墓祭畢眾欲行酒王氏已經於樹元史類編列傳

劉翠哥房山李仲義妻也涿州志至正二十年縣大饑劉哈喇布哈

原作不花兵乏食執仲義欲烹之元史類編仲義弟走告劉氏劉氏元史列傳歎

曰我何生爲元史類編黃仲起妻朱氏傳遽往救之涕泣伏地告於兵曰所執

者是吾夫也乞矜憐之貸其生吾家有醬一甕米一斗五升窖於

地中可掘取之以代吾夫兵不從元史列傳劉氏曰吾夫瘦小不足療

饑元史類編列傳吾聞婦人肥黑味美吾肥且黑願就烹以代夫死兵遂

釋其夫而烹劉氏聞者莫不哀之元史列傳

李賽兒房山王士明妻也至正二十五年珠展軍至縣元史類編作叛將竹

貞李氏及其女家奴皆被執士明隨至軍軍怒逐之李氏謂其女

曰汝父既爲軍所逐吾與汝必不得脫元史人苟愛其生萬一受

辱不如死也元史類編李伯通妻周氏傳女曰母先殺我元史列傳賽兒卽以軍所

遺鐐刀殺其女遂自殺元史類編列傳珠展聞之爲之葬祭仍書其門曰

王士明妻李氏貞節之門有司上其事爲樹碑焉元史列傳

趙氏大都宋謙妻也明兵破大都元史類編趙氏子婦溫氏高氏孫婦

高氏徐氏皆有姿色合謀曰兵且至矣我等豈可辱身以苟全哉

趙卽自經死諸婦四人諸孫男女六人眾妾三人皆赴井而死元史

列傳徐獠頭妻岳氏大都人元史列傳明兵入都城元史忠節傳岳氏告其夫

曰元史列傳寇至我等恐被驅逼將奈何元史忠節傳其夫曰事急惟有

死耳何避也遂火其所居元史列傳夫婦挽手同投烈焰中母王氏及

二女一子見之號慟不已亦皆抱持赴火死元史忠節傳

觀音勞妻布廷德濟蒙古氏宗王赫魯之女大都城兵布廷德濟謂其夫曰我乃國族豈惜一死以辱家國遂自縊時張棟妻王氏語家人曰吾爲狀元妻義不可辱赴井死其姑哭之慟亦赴井死

元史列傳

王宗仁妻宋氏進士宋娶之女也

元史列傳世居大都夫宗仁家永平

路永平被兵

元史類編列傳

宋氏從夫避於鐸子山

元史列傳

夫婦皆爲軍所

掠

元史類編列傳

行至玉田縣有窺宋氏色美欲害宗仁者宋氏顧謂夫

曰

元史列傳

賊必以吾故害及君矣勿以我婦人相累

元史李宏益妻申氏傳

言

訖遂攜一女投井死時年二十九

元史列傳

金氏詳定使四明程徐妻也

元史類編列傳

京城既破謂其女曰汝父出

捍城我三品命婦汝又進士妻

元史列傳

豈可虧節辱身以苟生哉

元史

王履妻

抱二巖子及女赴井死

元史列傳

齊氏傳

李哥霸州倡女年十二三時母教之歌舞泣不肯學告以業不可
廢哥曰若此聽母母亦當從我好否則有死而已母陽許之因是
不粉澤不茹葷所歌多仙曲道情有召則先詢主客姓名然後往
人亦相戒毋戲狎哥凝立筵前酒行歌闋目不流盼與之酒弗飲
州判官常忤哥徑還誓不與見孟津縣達魯花赤厚賂哥母夜抵
舍哥懷利刃閉卧內罵之曰汝在職牧民而狗彘之不若可急去
勿污吾刃矣慚怒以回明日知州聞之嘆曰州有貞女吾不知是
一失也吾次子明經舉秀才真若配以禮聘娶之未幾紅巾入寇
夫婦被執見哥妍麗將殺其夫哥走前抱夫項大呼曰吾斷不得
從賊求活冠並殺之

續文獻
通考

明

王氏東安紀續緒妻

續唐志
八十六

年十六適續緒會夫行成年歎而

貧氏竭力養舅姑而自挑野菜爲食

東安李志

洪武三十三年夫從征

死氏年二十聞訃哀痛幾絕姑李氏憐其少欲再嫁之

幾輔唐志

氏曰

婦所以不死者爲有舅姑在也不然請先畢命於今日姑從之孝

養益篤

東安李志

正統四年詔旌其門

采訪冊

陳璉妻孔氏東安縣人

幾輔唐志

年十八適璉踰月

東安李志璉赴南

京監遣孔氏於家事姑孫氏克盡婦道越三年夫以疾卒於客邸

氏迎觀還姑憐其無子欲適之氏曰夫既早逝姑老且疾婦若他

適姑將何依哭而不從

幾輔唐志

時值兵荒人民奔竄氏事姑甚謹

東安

李

姑卒盡典簪珥葬如禮孀居五十八年正統旌表

幾輔唐志

戊卒妻劉氏其夫松江人失其姓名以罪戍薊州詐稱無妻遂娶

氏爲室

薊州沈志

既而遇赦歸給劉氏曰吾暫歸省久之不復至劉氏

抵松江訪之夫拒不納

明史本傳

氏乃仰天哭曰良人棄我我將何歸

獨有效死伊前耳遂翦髮爲尼行乞市上人多憐而用之乃製一棺夜卧於內如是者五十餘年一日鄰家火起沈志劉氏入棺呼曰

乞與闔棺以畢吾事遂焚死明史列傳

劉氏流寓民劉宗仁之女年十八適朱孔思爲繼室孔思浙江紹興府餘姚縣人曾爲陝西平涼府鎮原縣縣丞僑居於薊州時食貧年五十餘矣娶劉氏僅八載而疾作劉初進粥不啖繼進藥不愈再割股以進竟不起慟其死不忍獨生思殉夫焉引繩不遂遂以刀自刎死於夫側時士民觀者如堵當事者奏聞得旨如例旌之薊州志李之芬烈婦劉氏碑記

張氏楊應時妻順天府人應時登進士筮仕平原令死遺二子張曰欲殉夫以死不爲夫立後所損多矣乃忍死撫二孤後二子俱夭張乃呼天號泣曰吾偷生二十年爲楊嗣也今皆夭折若更少

延何顏見夫地下耶遂絕食死

叢補唐志八十六

張氏吳恕妻謝氏恕子達妻大興人恕族死張生一子父母欲改嫁之氏曰夫病不及視湯藥恨不能死忍棄其孤耶撫子達年十六爲娶孝廉謝曷女生一子達又卒妻謝氏年十九婦姑同以節終墓產靈芝二木人謂節孝所致

叢補唐志八十六

楊氏李信妻順天府人性嚴潔信收迷失女子爲妾寵嬖之待楊寢薄楊執婦道不衰後妾家訟信繫獄楊丐貸錢米饋食期年獄解後信疾卒信之母與弟欲嫁氏爲葬資氏聞遂觸牆死

叢補唐志八十六

六

梁氏大城尹之路妻嫁歲餘

明史列傳

尹家貧無資出遊山海關賣熟

食爲生

大城張志

又娶馬氏生子二十餘年不通問氏事翁姑艱苦無

怨言

明史列傳

夫客死悲痛欲絕徒步行乞迎夫喪往返二千里扶柩

與後妻及二子以歸撫其二子成立里人異之

大城張志

孝女萬氏文安人邢惟式之妻幼嫻姆訓深諳內則諸經女史頗知大義母劉氏病勢甚篤百藥無效醫僉曰病入膏肓盧扁莫能爲矣女聞之驚泣欲絕時家供觀音並關帝像女素事之最虔一夕屏去侍婢焚香拜祝於神請以身代又聞古有割股救親者倣而行之隨咬腕下肉自煎入藥不令人知而其母飲之果愈時女年甫十一歲是夕也神堂中尺餘青衣人十數往來左右女毫不怖懼而咬時亦不甚痛楚血痕俱泯殆至誠所感格也迨長適邢氏執婦道其姑每語人曰是真吾家賢婦云

文安楊志

吳氏名淑廉通州庠生孫祿妻祿早嬰疾吳于歸後侍奉湯藥者八年尋篤吳慟曰夫有嗣吾爲夫後活也今且死無嗣吾何以生爲悉散篋中衣飾於娣姒親舊卽絕食親黨有泣勸者不聽曰與

其後夫死不若先夫死迨其見吾日瞑矣一日沐浴更衣甫畢而

絕旬餘夫亦卒正德十一年旌表

通州高志

宋氏涿州人配諸生弭文文卒宋水漿不入口者三日

涿州吳志

旣葬

之次日詣墓哭奠

畿輔唐志八十六

恐父母奪志遂自縊於墓側卽時迅

雷烈風拔墓樹一株眾謂貞烈所感有司上其事建坊旌表

涿州吳志

劉氏李鑑妻文安人正德壬申流賊之變氏被執

畿輔唐志八十六

賊悅

其姿容曰汝不我從我必磔汝氏知其不可逃乃厲聲罵曰我誓

不汝污何不速殺賊大怒剖腹流血氏猶罵不絕口而死

保定成志

葉氏浙江蘭谿人通州神武衛舍人許紳妻紳故饒家業好任俠

揮霍無節葉嘗諫曰物力可惜作法貴儉以君所爲恐暴殄爲天

所忌一旦蓋藏告訕將奈何紳不聽果罄所有衣食且不繼攜葉

出投所親路死於舊城西門外

通州高志

氏守屍晝夜跪哭或遺之食

或餽之金或勸以改嫁俱却不應水漿不入口者十四日竟死尸

傍年二十餘州人爲買棺合葬

明史列傳

適巡撫御史錢學孔按通親

見之疏聞下禮部議請旌表建坊立祠

高志

又涿州人徐氏適徽人

吳正文正文死徐七日不食亦死時當盛暑冷風襲人蠅蚋退飛

若有驅之者觀風者旌其門

涿州吳志

貞烈竇孺人者餘姚姜工部榮側室也名妙善又名妙惠世居京

師崇文坊年十五歸榮

西河集五

正德中榮以瑞州通判攝府事華林

賊起寇瑞

明史列傳

榮出城將制其險賊驟入執孺人倪暨婢等使告

榮所

西河集

時妙善居別室急取府印開後牕投荷池衣鮮衣前曰

明史列傳

吾爲官人妻尙不知官處所指孺人倪曰此婢也焉從知之

西河集

賊意其夫人也解前所執數人獨與妙善出城適所驅隸中

有盛豹者父子被掠其子叩頭乞縱父賊許之妙善曰是有力當

以昇我何得還縱賊從之行數里明史列傳呼豹前使近與初語他語

少間曰惜吾所以呼汝來者為太守印在官池官未知也西河集欲

藉汝告之今當令汝歸幸語太守自此前行遇井即畢命矣明史列傳

遂縱之歸時至花塢度豹行遠乃言曰吾以丐諸君吾口焦不可

耐假使前途有井者吾思飲焉既而果有井在道傍西河集賊如其

言妙善至井旁跳身以入明史列傳賊驚救不得悔且恨填井以礫既

而榮入保遇盛豹歸告印所取之西河集引至花塢覓井果得妙善

屍越七年郡縣上其事詔建特祠賜額貞烈明史列傳

三烈女者李堂李樂及劉聰之女也寶坻洪志俱寶坻人一統志二李女

長年十七次年十五劉女小字曰韓女兒年十六皆有殊色正德

八年大盜劉六劉七齊彥名等作亂畿輔間掠得之阱於一室三

烈女相抱痛哭曰吾三人今日死耳誓結姊妹魂魄聚於一處義

不爲賊辱賊欲汚之三女同聲罵詈賊曰不從齒吾劍益罵曰吾

輩死有餘香不若賊奴萬段犬彘不食其餘也賊怒支解之比死

罵不絕口黃城志嘉靖中知縣吳與之爲之立三烈祠一統志

老二姐老勲女順天固安縣人有殊色畿輔唐志正德初劇盜萬

餘自山東轉掠畿甸入縣東境二姐與二鄰女共匿牀下引席自

蔽盜尋得之固安志掖上馬二姐義不受辱畿輔唐志自墮於地者二次

盜怒殺之盜平有司上其事旌表其門陳志

李玉英順天人錦衣衛千戶李雄女也正德中李雄西征陣沒遺

孤五人子二曰承祖曰亞奴女三曰桂英曰玉英曰桃英諸子皆

前妻所產惟亞奴後娶焦氏生焦欲親兒繼襲雄死令承祖往戰

場尋父骸骨覲其陷於非命而承祖竟抱骨以歸焦乃鳩死承祖

支解而埋之又以桂英鬻豪家爲婢玉英頗知典籍年十六伶仃

窮迫作送春詩云柴門寂寞鎖殘春滿地榆錢不療貧雲髻霞裳
伴泥土野花何似一愁人又作別燕詩云新巢泥滿舊巢欹泥滿
疎簾欲掩遲愁對呢喃終一別畫堂依舊主人非焦指詩詞謂有
外通等情俾舅焦榕執送錦衣衛誣以姦淫不孝擬凌遲嘉靖四
年夏差太監審錄罪囚凡有事在人冤許行陳奏於是玉英具本
托其妹桃英賁奏訟冤玉英疏畧云臣年十二遇皇上嗣位徧選
侍御發臣甯家臣年十六伶仃無倚是以選禮部調臣孤弱未諳
諸筆札蓋有不得已而爲言者奈何母恩雖廣弗察臣衷但玩詩
詞以爲外通拿送錦衣衛本官昧審事理誣臣姦淫不孝問擬刑
罪臣在獄日久有欺臣孤弱而興不哀之心者臣撫膺大慟獄中
莫不驚惶臣素不才鄰里何無糾舉乃以數句之詩尋風捉影陷
臣死罪臣之死固無憾十歲之弟毒藥鴆死肢解埋棄果何罪乎
臣母之罪臣不敢言凱風有詩臣當自責陛下俯察臣情將臣詩
句付有司委勘有無姦淫實情推詳臣母之心盡在不言之表則
臣亡父母之靈亦有旨命三法司會勘焦氏論斬玉英著錦衣衛
可慰於地下矣

選良才作配焉

查南輯聞

張氏柳廷元妻浙人也徙於通爲州人嘉靖間廷元病篤慮弟廷政凌之囑張曰兒女幼爾又年少不如改適以存孤張聞願自盡明志廷元曰吾恐爾母子難以自存耳果能撫之吾目瞑矣廷元歿張年二十七廷政盡奪其家貲逼改嫁張攜子女別居紡織自給子女既長爲營婚嫁苦節五十餘年卒年八十二通州志

孫氏孫逢吉女

涿州志

順天府人

畿輔唐志

八十六

適武生張肅紀

涿州志

肅

吳志

肅

肅

肅

紀患病歲餘氏侍湯藥晝夜無怠容肅紀亡

畿輔唐志

孫誓以身殉家

肅

肅

肅

肅

人防之甚嚴一日早起號泣詣柩上食畢回室櫛沐易新衣人問

其故答曰場中菽麥露積將往收之其家人見其經理家事遂不

之防孫從容至場一一指揮傭工畢回家閉門自經於柩側敢視

面如生州守某旌其門

涿州志

單門三節蘇氏姜氏單氏嘉靖癸未進士單鉞之妻之妾之次女

也鉞登第後旋卒時蘇氏年二十六有二女無子欲自裁因姑老
姜有娠忍死待之守節五十餘年卒姜氏於鉞卒後六日生一子
八歲天蘇憐姜年少喻以他適意姜泣曰是何言也節義何常惟
人所蹈吾奉嫡於終身得同歸單氏塋幸矣豈謂婢妾遂無至性
哉妾志已決請無他慮蘇敬禮之若姒卒年七十次女單氏歸宣
城張正甫於京邸未三年正甫沒櫬南旋單依母蘇以居一日告
母曰兒張家婦終當歸張且壻墓已宿草而兒未一展拜心且夕
忼忼然何能久待母也辭歸宣城未幾卒州人楊行中作單門三

節傳紀之

通州高志

汪門雙節徐氏謝氏皆萬厯進士副使岑應春妾也應春初娶於
陳無出又娶於王生子廣序陳王俱先卒應春沒時徐與謝皆年
少廣序亦在弱齡徐謝矢志撫孤視如己出守節三十餘年教養

成立崇禎癸酉廣序舉孝廉歷官監司苑馬寺卿徐謝乃出家譜示曰汝父本姓汪臨終猶以未復姓爲恨今汝貴當成父志廣序呈於提學上聞下禮部議議云徐氏謝氏分忝綠衣志堅白首痛夫早逝勵苦節於卅年督子歸宗復本源於一旦閨閣旣罕媵妾

尤稀詔准復姓旌其居曰一門雙節

通州高志

謝氏直隸順義人鄧人都指揮聶敏妾敏卒謝所出二子應元啟元俱幼謝矢志撫孤不以諉諸嫡長值歲荒族黨覲其家貲嗾令改適謝厲聲曰吾有二子可使成立卽天不遂吾意吾身死得附於都司君墓亦何憾族人慚懼而退治家以禮法門庭肅然卒年八十四子啟元以明經官長葛令曾修鄴志萬厯間知縣趙廷儼旌其門曰貞節

通州高志

又有余氏豐城侯李賢妾侯病余侍甚謹及卒余沐浴更衣泣柩前曰妾侍侯房帷榮矣今侯卒妾從死分也

遂不食死事聞追封淑人賜葬西山

宛平王志

節婦王氏盧長青之室也長青讀書喜交遊賓客王氏脫簪珥治具必潔且豐長青既不得志於時適里有災祲之役爲族人所波累至鬻己之田以代完催科雖逋負無交謫語未幾長青卒王氏欲投繯以殉繼念二子單弱勉稱未亡人主家育孤族有無良子覬其產視孀孤爲奇貨欲得而甘心焉王氏控之官又爲族人所靳於是襁背其子宵奔值天黑迷路有火光前導始得達泣籲于邑宰冤苦以白遣孤迺無恙盧氏產故豐後漸貧迺盡貨其產挈

二子徙居京師教子讀書成父志

文安楊志

東安生員郭佃妻張氏年十六歸於郭四年佃死而無子氏以死殉中夜自縊於靈床姑救得免泣喻之曰汝死則得矣如吾老人何氏從之躬勤紡績以資奉養而私挑野菜以爲食姑見之一憫

幾絕固勸氏改適囑鄰婦慈惠之氏曰此非我所爲也若迫之第
有死耳誓志益堅及姑亡貧不能歛鄉黨哀其志悉贍給之東安志

苦節五十餘年萬厯三十年旌表續補唐志
入十六

王氏潔庠生馬龍圖妻通州高志操杵曰執婦道有禮法馬病

篤焚香額天請代弗愈尋卒年二十五子泰甫七歲氏不食欲絕

姬諷曰夫死不死在一孤耳孤如生卽爾夫生之年爾卽從夫死

地下子子之孤將誰適爲命乎氏聞稍解強啜糜而謝曰吾不可

死吾心死可矣早夜儆形垢容坐卧一房不窺閨外當闢白者女

奴以次傳終不令一童將命蓋不惟圭潔其身而庭以外肅如也

訓泰法嚴如父泰績學勵行爲名諸生知縣魏之幹給額旌獎萬

厯三十五年卒年七十三知縣艾友芝申請巡撫以貞節旌其門

通州高志

大姑京師人光廟在青宮時詔選元妃大姑與郭后及后女弟同入選郭后選中后女弟及大姑賜金幣還凡落選女子貴家爭聘致爲重后女弟遂爲成山伯夫人大姑獨不肯嫁貴戚納聘悉却之謂母曰被選後與今元妃同卧起三月外問何等子乃議婚耶遂守貞以歿

廿二史劄記三十二
引趙爾祈劉大姑傳

焦存兒者明萬厯中京師瞽女也幼失父母無所依乞食於明智坊羣乞欲犯之則以頭搶地號哭曰薄命之身卽無媒妁甯肯爲淫婦作罵名乎宦官魯朝者憫之爲配一瞽兒習拍板唱挂真兒夫婦跪歌乞食時存兒年十九踰年瞽兒死魯瘞之又憫其獨乞將再耦存兒痛哭曰苦命人不卽死嫁一夫經年而亡是我不當有夫也且吾學夫之歌以乞食食多於爲女時忍以其歌共他人食乎誓不再嫁魯給之門房與一跛媼共朝夕存兒跪乞如故

海潮

文傳六
十六

牛氏張拱耀妻順天香河縣人年十六歸拱耀拱耀性至孝因父

喪哀毀骨立疾作畿輔唐志氏衣不解帶者數月藥餌不效禱天

割股和羹以進竟不救香河志氏號哭絕粒五晝夜不止勸之食不

聽姑泣日子死矣畿輔唐志我見媳猶見吾子新婦如不食汝死我亦

死矣劉志幸少留以終我餘年氏不得已勉就食畿輔唐志氏時年十八

劉志苦節四十年如一日畿輔唐志邑諸生王永明等公舉旌其廬曰貞

節劉志

鄭氏寶坻尙文夏妻文夏亡無子伯叔逼之他適氏以死拒伯叔

悉奪其有謂不堪寒餓終必去也氏節益堅恆掘草根雜糠粃食

之衣不蔽體作勞霜雪中見者酸鼻歷年七十餘伯叔相顧語曰

不信天壤間有如此耐苦姬寶坻洪志

樊氏楊香哥妻順天涿州人年十七歸香哥甫期年香哥暴卒

涿州

樊氏誓以身殉其母欲奪其志

畿輔唐志人十六

或言及改適事樊輒涕

泣不食後母迎還家中密與其姑商所適已成議矣姑以好言諭

之樊漫應曰到塚上一辭夫靈可也姑令一老嫗持香帛偕去樊

故蹴滅火遣老嫗回家取之乘間解衣帶縊塚傍酸棗樹上及老

嫗至氣已絕不能復甦矣

吳詔旌表唐志

馬氏通州人戶部尙書李三才妾三才卒氏絕食十二日死時天

啟四年二月四月有諸生呂完聲妻陳氏完聲疾亟集族人計後

事族人畢至以陳在側不卽言陳氏心知其爲己也出戶外完聲

告族人曰我旦夕且死婦少無子我不忍其煢獨語未竟陳遽入

問適語云何夫不應陳曰我耳之矣請自今君飯妾亦飯君不食

妾亦不食與君俱耳未幾夫卒陳不食十四日死太常彭瑞吾聞

而嘆曰不三月間而有兩烈婦古云燕多慷慨奇節知不獨丈夫

然也

通州高志

烈婦林氏通州人年十七適廩生劉杞芳居恆倡隨以道好聽其

夫陳說古先節義事

林烈婦墓碑

年二十夫歿只一女誓欲絕粒死

通州

而以翁姑及太翁姑年老不忍遽言傷其意每家人進食爲匿

少許若飲啜狀而實不以濡諸口脬越五日困憊仆地夜半乃甦

家人從所匿飲食處究其故烈婦從容對曰婦無子今欲從夫於

地下不克事翁姑與太翁姑矣姑大哭烈婦亦哭姑謂烈婦曰汝

縱不念吾獨不念此幼女乎烈婦曰

墓碑

婦將從夫且不獲終事堂

上奚惜此呱呱

高志

戒他人勿復抱持來前大哭出寢門卧夫柩旁

不起翁姑及諸姻屬累日勸解不爲動仰天歎曰吾天乎吾天乎

素以節義教我我今日惟知節義是適安知其他

墓碑

絕食二十一

日死巡按御史聞於朝

高志

詔建坊旌表立祠祀之

墓碑

劉方者軍人方姓女也年甫及笄因母喪僞爲男子偕父扶柩歸葬道走武清蒙邨父客死於劉叟家遂子劉氏而名方焉越二年山東張湫劉奇羅難河下控之叟家叟亦收之與方爲伯仲又一年叟夫婦齊沒奇以不關議姻而方不可奇感巢燕而題於壁曰營巢燕雙雙雄朝暮辛勤巢始成若不尋雌寄殼卵巢成畢竟巢成空方笑而和曰營巢燕雙雙飛天設雌雄事久期雌兮得雄願已足雄願得雌胡不知奇見而疑曰嘉則嘉矣能再和乎方復曰營巢燕聲唧唧莫使青年空歲月可憐和氏忠且純何事楚君終不納奇遂大駭曰若然弟其木蘭之隱乎方首肯唯唯奇復請曰旣爾吾當爲兄妹乎抑爲夫婦乎方亦唯唯奇避席再四方乃泣下曰妾父方也因母喪歸葬而卒於茲妾恐不便於塗而乃爾爾

幸義父收育與兄萍集誠不偶也脫爲兄妹又將他適妾父母墳墓終爲旅魂將奈何哉兄試思之奇驚喜不已欲揖就寢方止曰妾今見托於兄非若世之鶉奔雀合亟婚媾者比欲以續三家之嗣成三義之名必當集禮告廟乃可二人共坐待旦諏日行禮遂成巨族時人謂之劉方三禮云

武清吳志

王門雙節胡氏王化浹妻徐氏化浹子德謙婦也胡年十六歸於王年二十三生子德謙甫三月而化浹歿胡哀號絕粒舉家勸之曰此哖哖兒何以自活願少忍撫之孤存卽夫存也乃勉進飲食撫孤自任德謙稍長教以力學年二十補諸生爲娶婦徐氏未幾德謙又夭遺孤在襁褓中胡偕婦養孤孫以繼夫祀兩世孀居同心荼檠胡苦節六十五年卒年八十七徐亦苦節終其身崇禎間

督學奏旌其門

通州高志

張氏通州庠生王大治妻年二十七夫卒子立極甫生張自矢
於夫之靈曰願佑此三尺孤以延王氏嗣且願未亡人他日歸骨
王氏先壠吾志畢矣守節教子四十二年卒年六十八崇禎時兵
備道王釐永額旌曰節慈裕後又有王賁德妻劉氏順天府人歸
賁德三歲而賁德歿氏年十九誓以死殉畿輔唐志時有遺娠兩
月家人解之曰儻天不絕王氏幸而生男則祖宗一脈於是乎在
殉夫死不若延夫祀也通州高志氏悟畿輔唐志強舉餽粥後果生男凱撫
之成立補諸生劉乃慨然歎曰今而後可見夫於地下矣高志遂哀
悴不食死唐志

楊門三節馬氏蔡氏雷氏皆吏部尙書楊行中孫泗水令鎬子婦
也馬氏御史經綸女讀書通大義歸鎬三子庠生世昌馬年二十
三世昌卒子辰生十五歲天乃誦佛書茹素終身嘗曰吾每觀儒

書不入觀佛書則入以所歷皆苦境也知州楊聯芳旌曰柏舟賢節

國朝順治十二年卒年七十五守節五十三年蔡氏通州人刑部郎成己女歸鎬第四子庠生世喬妻夫卒將以死殉家人慰解不從鎬五子世顯曰嫂賢如此聽其死則不忍無子勸之守促之死耳會鎬六子世法妻歿遺子嶽生在襁褓世顯乃語弟舉以異蔡曰今有子嫂可勿死矣蔡遂撫之如己出嶽生既長改名宏補諸生崇禎十年蔡卒年五十守節二十八年雷氏通州人五臺令應科女歸鎬五子庠生世顯世顯早卒雷年四十九撫子宗敬教之成立治家謹嚴操持有丈夫概門內外肅寂無詬誶聲

國朝康熙六年卒年七十一守節四十三年子宗敬補諸生後改

名采最循謹蓋遵母教云

通州高志

潘氏李永達妻廣平教授涵母也姑病胃不能飲食潘乳之一載侍奉湯藥朝夕不怠歷三年如一日病愈潘積勞成疾崇禎三年

卒年三十六親黨以孝婦稱之

通州高志

劉氏劉永祚女保定縣人崇禎辛巳女年十六縣城破

畿輔唐志爲賊

所獲曳至柴家井邊扶之上馬從馬上墜下將以身投井兩賊挾

持之不從被殺井邊

保定成志

王氏馮文炷妻保定人崇禎辛巳賊執不從以刃壓其頸曰爾不

畏死耶

畿輔唐志

氏曰但蚤賜死復大罵執刃者怒斫其腸拖於

地而死

保定成志

柴氏劉星毓妻保定人

畿輔唐志

崇禎辛巳賊圍霸州星毓語氏

曰計將安出氏曰君可相機而行我婦人也脫有不測惟有一死決不負君旣而城破賊驅之以行殺於堂下其夫星毓縋城亦被

賊殺

保定成志

趙氏永清監生應啟女也崇禎丙子之亂與姊同爲兵擄女不受辱強攜上馬罵不絕口殺之棄屍郊外二日祖母往收女屍顏色如生縣人哀之永清周志

劉孝女京師人

明史本傳

頗知文墨并習女工萬厯二十七年曾經被

選貴人不中

崇禎長編

父蘭卒矢志不嫁以養其母

明史本傳

足跡不出閨

門日惟閉戶誦經讀書兼作女工卽至親比鄰未嘗見其顏色

崇禎

長編崇禎元年年四十六

明史本傳

八月母張氏病篤女盡心奉侍母進

食女亦進食母不食女亦不食至二十三日張死女跪靈前泣血

水漿絕不食至九月初三日女亦氣絕死時異香滿室人咸異之

巡城御史曹選以聞

崇禎長編

崔氏王錫田繼妻香河縣人崇禎己巳城破氏年少一女在襁褓

與家人訣曰我義不受辱

義輔唐志八十六

但幼女呱呱未免遺恨乃乳

女畢

香河劉志

託女於母

義輔唐志

將自縊眾苦勸留之

劉志

力持不得遂兵

及門眾俱奔氏倉皇縊於戶後恐賊見其貌或解之也

明史本傳

督學

霍立扁旌之又吳淑姐生員吳養浦幼女城破

劉志

女年十六與祖

母張訣曰身可殺不可辱後園井乃吾死所也遂赴井死兵退視

其屍顏色如生

義輔唐志

士民聞之上臺給扁曰志氣凌雲

劉志

又遜氏

生員孫正祚繼室事姑盡孝姑病默禱願以身代己已城破扶姑

潛藏地窖甫封窖兵猝至氏曰姑得生吾死無恨矢志不屈身被

重傷而死

義輔唐志

督學霍題准樹坊賜扁以旌義烈

劉志

梁以樟妻張氏大興人

明史本傳

隨夫之任商邱

義輔唐志八十六

流賊圍急

積薪樓下集婢女其上俱令就縊謂子燦曰汝父城守命不可知

宗祀惟汝是賴屬乳媪匿民家自縊死家人舉火諸屍俱燼

明史本傳

邑人高其節烈為建祠祀之

嚴輔唐志

御史陳良謨妾時氏京師人良謨年五十無子以禮納之侍良謨

百三日城破良謨聞帝崩煤山大慟曰

明史陳良謨傳

吾死晚矣痛飲局

戶為釋於梁欲自縊時氏端服靚粧候同盡良謨曰吾年逾五十

無子汝今有娠倘生男以延陳氏血食汝必勉之欲遣人送之母

家時氏曰主人死妾將誰依臣死君妾死主分也與其為賊辱不

如無子請先死以絕君念遂入投繯

明季北略二十一

腕弱結縲不急公

助之歎曰一婦人乃如此時氏氣絕

全祖望陳良謨碑

良謨別作縲與之

同盡南都贈時氏孺人同祀旌忠祠

明季北略

王氏宛平劉應龍妻年十六嫁應龍家貧以女紅養舅姑應龍父

子相繼亡王事姑撫子

明史本傳

備極荼苦二十年如一日

嚴輔唐志八十六

賊陷都城泣拜其姑曰留長孫奉事祖母

明史本傳

婦從翁夫地下矣

敵輔唐志遂攜幼子投井死明史本傳

劉太夫人杜氏新樂伯效祖妻也殺冠紀畧補遺中宛平人明史劉文炳傳三子

文炳文耀文炤殺冠紀畧崇禎十七年三月賊攻西直門勢益急杜氏

聞之即命侍婢簡笥雜於樓上作七入縲命家僮積薪樓下隨遣

老僕鄭平迎李氏吳氏歸曰明史劉文炳傳大家一處死死即焚之謂文

炳曰爾疾馳去殺一賊猶快我謂文炤曰不可從死瀛國太夫人

在當奉之潛匿且劉氏不可無後城破殺冠紀畧家人急入曰城陷矣

明史劉文炳傳夫人服命服登樓殺冠紀畧二女從之文炳妻王氏亦登樓懸

孝純皇太后像率眾哭拜明史劉文炳傳曰太后恩深自此不得報矣殺冠紀畧

殺冠紀畧各殺死家人共焚樓文炳叔繼祖妻左氏見大宅火亟登樓自

焚妾董氏李氏亦焚死明史劉文炳傳一門死者凡四十二人殺冠紀畧唐志

淑人張氏成忠毅德母殺冠紀畧懷柔人殺冠紀畧唐志忠毅初以直

節爲烏程所忌下獄淑人廷訴慷慨有丈夫風

毅冠紀畧

崇禎甲申都

城陷德跪請於母曰兒盡忠不能盡孝矣母急避難母正色曰兒

爲忠臣我獨不能爲忠臣之母乎

毅輔唐志

有妹年二十餘未嫁德願

之曰我死汝何依妹曰兄死妹請前德稱善哭而視其緡入別其

母哭盡哀出而自縊母見其子女皆死亦投繯死

明史成德傳

繼妻霍

氏

案毅冠紀畧作張氏

一時皆自縊死

毅輔唐志

霍氏妹育於姊年未及笄亦死

懷柔吳志

恭人章氏金忠節鉉母

毅冠紀畧補遺中

順天府人鉉爲兵部主事賊薄

都城

毅輔唐志八十六

鉉奔告母母可且逃匿兒受國恩義當死章時年

八十餘矣呵曰爾受國恩我不受國恩乎廡下井是吾死所也鉉

哭而去城陷母聞卽投井妾王氏隨之皆死

明史金鉉傳

烈婦梁氏真定人鄭延兵備道王原晞配也幼讀書明大義賊破

都城烈婦與其小姑名慶者毀容深藏及賊遁祖姑許曰我輩不乘此還鄉里將何待遂攜以行踉蹌至彰義門見婦女有爲賊所驅以行者有與賊並行者有騎而歌笑自若者烈婦曰夫非良家婦與何不知恥若此倘吾爲所掠則有死而已然死於道路何如死於此地之爲愈也許曰吾尾賊賊不返顧婦曰如返顧奈何語慶曰吾死姑能從乎慶曰願視道旁有井婦曰清泉浩潔吾與姑得死所矣遂攜以投井慶許賈氏猶未成婚又有烈婦陳氏霸州人因隨叔徙都門遂家宣武橋烈婦幼時性淑姿雅行端言正父母珍視之旣筭適馬應科生一女甫四月會賊攻都城人心惶惶姑嫜妯娌舉欲逃匿以其方商賂者移時烈婦以死自矢獨隨以小刀無他計也城陷眷屬慌懼對泣求避處烈婦告其夫曰大寇肆搶掠女子安所恃惟有全身速死汝等自便夫長泣展轉不相

舍婦厲色曰萬一賊來辱生則不光死亦爲賊抱女大哭曰我死女亦何依因力扼死遂以小刀自刎手猛刃深過喉而絕應科他匿得免越數日賊稍戢始備棺收殮烈婦面色如生葬於黑窰厰之東云

明史北略二十一

潘鵬妻徐氏宛平孝廉女妾楊氏臨清妓俱美麗相得甚歡鵬家資數萬閒生藥坊及京城陷鵬對二人大哭徐氏曰賊兵日逼我等有死而已卽取砒霜入酒與楊約曰事急與子偕飲忽兩賊至鵬匿

明季北畧二十一

妻酌毒酒自飲賊笑曰盍與我共醉乎妻不答妾

解意遂滿斟二甌進賊

寄園寄所寄甲申忠義傳

曰若將軍有意請滿飲此杯

賊見壁間琵琶問楊能彈否楊卽以侑酒二賊大悅把酒暢飲

明季

北畧

而二賊倒妻亦倒

寄園寄所寄

鵬急躍下以羊血灌徐得甦徐曰

均爲毒酒我得不死意者其天乎鵬曰固也然亦砒石性重下沉

汝先飲且少更得羊血解是以無恙若二賊則自促其亡非由人

巧也

明季北畧

拖二屍沈於後河閉門靜避竟免於難

寄園寄所寄

又城外

女子張姓者賊見美欲淫之女給曰我渴甚取水飲我賊信之至

井所女乃奮力擠賊墮井女得奔脫

明季北畧

烈婦王氏歸吳信世居京師齊化門外貨紬爲業烈婦色麗而性剛賊數十人至縛信考掠欲逼千金徧體皆傷烈婦知不免閉戶自縊一賊劈門救甦見其美欲污之烈婦嚼斷賊舌賊怒剖其腹死賊含血奔竄口不能言時諸賊方在外庭拷信見噴血賊趨出咸以爲信家有祟棄之逃去信得脫斷舌賊不能食而死人以爲

烈婦索命云

明季北畧二十一

婦張氏京師長班吳奎妻也德色皆備家雖貧屋宇掃除甚潔數賊至欲主其家婦伏宅後水中賊去乃歸一賊已據其室矣猝見

婦美

明季北畧二十一

強淫之無計爲拒也

寄園寄所寄九

比賊睡熟婦微聞叩

門聲心知其夫至乃潛啟門迎入以刀刺賊死取其財物而逃道

旁遇井婦泣曰

明季北畧

前日所以偷生者慮君飢寒失所不獲一訣

生死悵然不料猝遇狂且致成淫行失節之愆竊爲君羞縱君不

見罪妾

寄園寄所寄

妾何面目偷生於世乎

明季北畧

幸不復以妾爲念

寄園

寄所

死甘心矣

明季北畧

奎力阻不可

寄園寄所寄

竟投井死

明季北畧

有宮人魏氏者甲申之變當賊入宮大呼曰我輩必遭賊汚有志

者早爲計遂躍入御河死頃間從死者一二百人

明史愍皇后傳

昭仁宮

婢費氏

形史拾遺記六

年十六自投井賊鉤出見其姿容爭奪之費氏

給曰我長公主也羣賊不敢逼擁見自成自成曰主何號也曰昭

仁耳何名也不應自歲命中官審視之非是賜帥羅甲甲與歸將

婚賁又給曰我實天潢義難苟合今幸事將軍請召諸貴客爲嘉

會可乎甲大喜召諸帥豪飲及醉費竊利刃請甲入舂其喉出請
行酒連刺二帥始自剄死瀕死呼曰吾之不得殺自成天也自成
聞大驚令收葬之明史隱皇后傳青霞女子青霞室中答應女也上自后
妃諸嬪外每有選淑可承侍者於乾清宮傍室更名青霞令雜居
室中名女子賊入宮女子共奔入乾西闔戶自焚死時諸官宮人
多殉者不得其姓氏形史拾遺六

袁氏寶坻生員楊翻妻也翻少孤秉母訓弱冠游庠娶婦奉孀姑
盡孝會遭兵燹翻以募兵出城忽陷其姑王氏泣曰國破家亡何
以生爲親視氏投井畢其孫女三幼孫四悉手勒死曰庶闔門清
節無一被辱者矣乃從容自縊死氏投井數日以水淺竟不死兵
過後有目於井者乃得出翻亦生還抱持大哭恍如隔世復生一
子曰孝純未幾翻卒時家已蕩然寸箸俱無氏備嘗艱苦孤子得

立迨孫雍舉康熙壬子解元已未成進士入翰林楊門驥而復興

人謂天之所以報節烈也

寶坻洪志

提氏魏繼標妻通州人崇禎甲申流寇陷京師翁夫皆死於難氏

聞訃號痛欲絕家人勸之曰夫柩未返可遽死乎

畿輔唐志八十六

及翁

與夫柩歸厝城外提往哭欲留厝所自殉時土賊遽起劫掠家人

強之歸提曰欲我歸當迎靈位於家朝夕得奠食也家人知其將

殉防護甚嚴提強言動如平時防者懈提詭病夜常數起以誤眾

人一夕跪縊於夫之靈前死年纔十九時六月十五日也越三日

成殮伏暑中顏色如生

通州高志

比殮兩膝終屈不伸其父聞之不哭

曰此真提橋女矣家人舉其喪與夫合葬先塋之側

畿輔唐志

宛平查氏烈女九人外者七人查氏居宛平既三世曰國英娶周

氏生子二女一而歿曰國才娶張氏生女二妾廉氏有母與女相

依黃孟春之妻國才之妹也早寡來依於兄及流賊陷昌平謀避
賊榆堡莊周氏命子允哲著往治屋旣而賊猝至國才出覘賊勢
惟老僕守門室內凡九人賊攻城急九人懼城破見辱決志莫如
死最幼女先投繯墜周氏顧曰吾固當先遂少長就縊九人者周
氏及女二姑張氏及女三姑四姑四姑年甫十二最幼者也自黃
歸宗老姑及女三姑妾廉氏偕其母老姑廉氏母年四十六周氏
少二歲張氏又少八歲二姑三姑黃三姑皆十六賊掠後國才還
入室見九人面如生解繯大哭則幼女四姑妾廉氏死而復蘇其
去縊時已更盡夜

戴震查氏
七烈女傳

紀氏文安舉人井煒妻井氏煒之妹生員李在公之妻也紀襁褓
失恃年十八歸煒沈靜寡言不妄嬉笑甲申闖逆犯順煒攜妻逃
至石溝避難于妹氏家會崇禎訃至煒方與妻妹聚泣忽僞邑令

甯捉焯赴京旋乘間逃歸值土寇蜂起相率匿于深蘆旋逃歸仙居適

大清兵來又匿于土窖時職方楊名索焯急不得已往見楊訛傳焯捉去無還理紀泣曰哀哉夫子清白孝廉今已矣余何顏人世妹亦泣曰先光祿殉難門衰祚薄零丁孤苦倚兄爲活兄死妹何生爲二氏相率同縊

文安楊志雙縊傳

李氏劉灝妻大城少司馬李松女也性嚴而有禮好談古今忠義節孝事嘗看唐人詩年十許歲時司馬偶談及人世處事只宜隨分不可求全責備女應聲曰世無百年人枉作千年調司馬大奇之隨教以列女傳女史諸書旣于歸侍灝下帷灝方讀畢氏已歷歷上口矣未幾灝卒氏艱辛教子弟當除夕奠夫氏口號曰半世光陰付等閒可知泉路也新年孤燈冷火供芻飯幼女嬌兒獻紙

錢當日音容今尙在空中憑弔總徒然此去清明寒食近一聲夫
罷一聲天一日氏燈下紡次子蓼生讀於榻前偶至伯夷叔齊篇
氏輟紡問曰汝亦知孤竹家兄弟乎一尊父命一重天倫彼侯國
也尙能讓之汝家幾何異日成就無介介于負郭田路人乎汝兄
爲其後蓼生悉以祖產付其兄兄用乏其廩餼館穀仍聽其兄支
費闔邑義之蓼生以進士仕至巡撫晉總憲孫愚以進士仕至布
政曾元通仕籍列辟雍遊泮水者凡三十餘人人咸謂積善昌後
之說爲不誣云

大城
張志

孝女大興張氏婦也不知其母家姓居京師崇文門外花兒市民
以製通草花爲業女幼奉老父居父久病不起女憂甚忘毀廢寢
適有鄰媼往了髻山進香者女因問進香可能療父病否媼曰誠
心虔禱靈應如響女曰此間去山道里幾何曰百餘里曰一里幾

何媼曰二百五十步女謹記之每夜靜父寢持香一炷自計步數里數繞院叩頭默祝如是者半月有餘向例了髻山奉祀碧霞元君凡王公縉紳每至四月無不進香以雞鳴時卽上殿拈香者爲頭香時有太監張某往進頭香甫闢殿門已有香在爐中張責廟主廟主曰殿不會開不識此香何由得上張曰既往不咎明日當來上頭香廟主唯唯次日四更張已至至則爐中香已宛然一女孺方禮拜伏地聞人聲倏不見張曰豈有神聖之前與怪敢公然出現者此必有因聚香客而告之並進所見容態服飾一媼聽其久曰據君所見乃吾鄰女某也因說其在家救父禮拜之事張嘆曰此孝女神威也進香畢卽策馬至女家厚賜之父病旋愈

袁枚新齊

諸六

八夫人者姓李氏宛平人史文忠可法夫人之妹文忠弟可則之

妻也可則早世文忠公殉國難八夫人奉太夫人夫人居金陵浙人厲韶伯者常人文忠幕軀貌類文忠冒文忠名集亡命數百人破巢縣破無爲州提督率省兵擒之堅冒文忠名衆莫辨召三夫人識認斥其妄始吐實而入夫人有國色爲衆所窺會金聲桓反豫章禁旅往討駐金陵遼宦聶三嫺少宰某艷八夫人強爲委禽入夫人遣婢拒之不聽詈之又不可聽須臾一婢捧黑漆盤進聶曰奉八夫人命恣若所爲聶視之則一髮髻一耳一鼻也血淋漓滿漆盤聶失措躍馬馳去

注有典史外八

華陽吳祖椿校

人物志二十

光緒順天府志一百十

列女二

黃岡洪良品纂江陰繆荃孫覆輯

國朝

蔣氏順天人宛平庠生范如樟妻也事舅姑恭順有則能先意所向得舅姑歡范善病病作卽數月不瘥蔣周旋藥鎗茗火無幾微情容歲以爲常生一子資穎邁人范鍾愛之甫三歲患痘而殤遂以思子過悲病不起蔣泣謂范曰請先死以絕君念曰汝念予父老諸弟幼以婦代子且烈婦難節婦尤難欲汝爲其尤難者予含笑九原矣言訖瞑目蔣撫棺大慟勺水不納者數日父母舅姑寬慰再三弗止也曰子有請於舅姑舅姑許乃敢生舅姑詢故蔣曰不孝不幸無子以身殉夫宜也以夫囑婦不敢卽死惟獲全婦之志使稱未亡人於范可也不然婦卽從之死舅泣然曰媳能如是

是吾門不幸之幸也忍奪汝志乎自是蔣意稍安未幾舅歿蔣襄
大事俱克如禮後以憂悲成疾卒卒無他言惟曰吾事畢矣可以

見夫子於地下矣

宛平
王志

劉氏張科妻永清人也年十六歸張未三載而科卒卒時劉已有
娠張故豐於財科生有二兄科卒後劉之父母舅姑及伯氏二人
俱欲劉更適人抑勒百端劉不爲少動已而舉子雲惠乃請見父
母舅姑泣且誓曰向所不卽死者徒以有遺腹耳今幸生男天不
絕吾夫之嗣矣願以死守不知有他父母舅姑皆不悅而罷自是
詬誶凌折之殆無虛日會天大寒北風厲甚劉方夜襁孤兒操紡
績業其姑突入其室辱詈之命婢汲水注其床滅其鐙火且曰吾
以觀爾之冰操也破室漏風床上地下冰厚寸許夫有女弟年始
十六聞急踉蹌而至劉衣着水錦緞如被介冑嬰兒已噤不能啼

小姑爲紉置懷中以膚溫之乃得少蘇二人呵氣相煦躑躅終夜遲明姑排闥入見其女與劉四足陷冰中急不得拔且怒且憐之攜其女去其後姑將毒劉小姑輒身先之夜必持被就劉宿姑無如之何威虐爲之少殺伯仲私計賄牙人將強納里中惡少年小姑聞以告劉劉挾利刃自防曰倉卒有變終以是爲歸爾小姑因語劉曰父母所以逼嫂爲二兄也二兄計出於此爲家貲也盍急以家貲推讓二兄猶得自全性命與其殺身禍嬰兒也劉深然之於是僅乞一陋室作苦其中以支歲月會永定河決平地水深丈餘伯仲廬舍俱漂沒不三數年俱相繼卒伯仲又皆無後於是水退淤田皆爲膏腴而劉乃盡有其業阜然稱富有矣雲惠長而業儒其子鑄爲縣生員劉年七十八無疾而終稱全祉云

永清周志

張氏小名七兒吳道來家婢也挑野菜於城東門外遇暴逼汚不

從被殺時康熙丁亥七月六日也

武清吳志詞朝采野菽

武清劉之璋作哀

辨兮人方信疑狂且無狀兮蹙蹙威身若失守兮安爲捨生以全身兮死如歸義不辱兮白刃揮野菽紛披兮朱顏摧風搖搖兮魂何依長夜漫漫兮旅此東門之達恨託生於卑賤兮無聞閔之門楣斯警難復兮通跡天涯幽光湮沒兮知者誰天陰雨濕兮聲妻悲

貞婦何氏霸州人吏員王經妻經年二十四病卒何絕廢數日姑姊輩以撫孤爲慰始進食踰年歲褻人相食何與三歲孤兒共一鄰姬相伴四壁栗列食草蒂草蒂盡繼之以榆皮榆皮復盡母子惟啖葛殼葛殼棘喉豕之所不甘者母子號泣聲徹比閭姑姊輩勸曰以汝才貌過人夫宗落寞守此孤兒則爾門之苦非爾所支何不適豪家以爲自容計哉何曰否否二夫非人所爲一死自是易事我正以王氏祚衰不忍死而棄去而况言生去耶勿復言數日姑姊輩復以攜兒適人勸何大恚曰爾如不安爾室自招兩夫

可耳何苦爲人謀哉勸者蒙面而去再無敢以是言進者後以織

維自給撫子承芳成立壽八十七歲

霸州朱志

于氏永清生員楊梅妻于文燦女也年十七歸梅康熙丁卯梅卒于年二十有四子宗文生纔三歲家貧有屋一椽硲田十餘畝于勵志守貞教子讀書不能具束修故生員王益謙嘗從梅父受學至是挈文去躬教誨之夫有從弟貧無行欲兼于產強使改適人于固不從則抑勒之使不可朝夕處兄得海聞之迎往依居於時宗文年十二矣得海爲延師課讀于居兄家雜家人中操作兄止之曰妹依於我而操作如家人我豈以傭姬畜妹者耶于曰我性不好閒逸且家居習勞苦固所以計久長爾由是安於兄家每歲時寒食則歸楊一祀其先而田與居室遂爲從叔所據矣居十二年而宗文錄爲生員遂授室於是挈子若婦歸家得復舊業雍正

癸卯卒年六十

永清周志

王氏通州庠生耿宗湯妻居潞邑王年三十夫亡矢志守節治家肅然耿有族壻呂哲素叵測適土賊橫於鄉哲煽惑其黨刦耿家莊縛宗湯弟宗孔及諸姓等將加刃舉家驚匿王獨不避以大義曉賊賊知墮哲計釋縛而退哲叔茂奇與哲同惡嘗屬盜誣宗孔下獄誣王曰付我五百金可脫汝叔王識其詐佯應曰善須開明所需各項乃可與姪商耳遂獲茂奇字據命姪如標赴巡按白冤獄始雪盜伏法茂奇亦獲罪王之以節兼才如此

通州高志

楊閏姐通州人

畿輔唐志作閏

侍郎楊正中孫女天性孝友年七歲生母

宋有宿疾每疾發卽焚香告天願以身代父年三十五始得子七歲患痘甚險閏姐禱神乞借已算目不交睫者十一晝夜及殤一哭氣絕力救始甦後生母產中卒閏姐號慟如成人絕飲食三日

淚乾氣盡而歿葬於州城南門外督學張題其墓曰孝女墓

通州高志

李氏通州人童嶽妻嶽本浙之會稽人充州掾挾婦家於通李天
姓孝義年十三割股愈父十七歸於童姑病篤又割股以愈姑姑
畏遠涉不能就嶽養以季子留浙李自甘蠶繅積貲寄姑佐甘旨
嶽爲椽無苟取家益貧旋得失血證已昏絕李割脇取肝肉爲羹
灌之李亦暈仆夫婦俱復甦嶽病尋愈李以肝疾發卒時康熙甲
申夏也州人李徵瀉撰李氏割脇救夫傳

通州高志

康氏女通州人許字鄰家張氏子京

幾輔唐志八十六
通州高志作經

京父素豐

裕後家於京漸貧幾不自給康父兄聞之謀悔婚

通州高志

女正色持

大義詰責乃止後數年京父至通訃京已死

幾輔唐志

康易素服泣請

於母曰兒聞古之女子有未嫁爲夫守義者後世以爲賢兒身雖
未歸許張久矣願母載兒從夫喪父兄駭斥其狂且恐身殉防護

甚謹康釋素服言動如平時防者懈一夕閉戶焚所製巾帶綦履素服自縊死時年二十一戚黨議當偕夫葬康父乃攜女喪至京歸張氏康熙三十一年與京合葬於郭西白石橋京師士大夫重其節賦詩弔之

通州高志

黃氏通州庠生華國繼妻年十三于歸國年老嗜酒家益落甚或不能舉火黃甘之國多疾黃日夕侍奉不衰國常醉語人曰

通州高志

吾婦雖女子有丈夫氣吾死必殉我諸君他日當見之

畿輔唐志八十六

一夕國中酒歸疾大作翼日卒黃慟曰天平侍君七年蓋早暮憂

懼也今果舍我逝矣遂絕粒卧柩旁十四日死年纔十九

通州高志

節婦李氏霸州李方儒女農民馮顯宗妻也嫁未三載顯宗病故人有勸之改適者以舅姑在辭之朝夕供事克盡婦道十數年如一日迨舅姑相繼終又有勸之嫁者節婦曰余已有夫可二夫乎

田園二畝鬻以殯焉餘者止一陋室其孤苦有非人所能堪者而怡怡然若有所得而安之惟言及翁姑則輒涕泣晝夜紡績以自給至年老衰殘不堪自供惟閉戶忍饑未嘗乞假於人人有予以米者不受予以連糠碎米則受之鄰里窺其乏食予以米必先以糠拌之蓋惟恐其不受也無子女歿後十有餘年而婦女之聚談者猶舉之以相勸勉云

霸州朱志

王氏永清殷成業妻也康熙辛巳大盜劫其家擒王之姑加刃於頸就戮中去釜爇薪其下以身當釜坎爇之王衝刃急入謂盜曰此吾母暫止吾家實不知家中事刀鋸鼎鑊宜加我身盜執王燎炙幾死南路同知祝聞其事書冒刃衛姑旌其門楔

永清周志

鄭氏馬益亭家婢鄭本密雲人年八歲役於馬馬素饒裕後漸貧他婢盡去鄭獨留亦不求配馬幼子卧疾十餘年鄭百計覓藥救

痊又爲人斡衣取直以贍其主馬子婦久病有子不能撫鄭代撫之賴以成立事馬家三代歷七十六載如一日居恒持已循謹雖耄年不失主僕禮以處女終年八十四里人羣歎其義

通州高志

張門雙節朱氏張廷瑞妻張氏廷瑞子永盛之妻也俗有一姓非宗而議婚者故永盛娶於張云朱年二十一于歸三十夫亡遺子二永茂永盛俱幼家貧夫喪不能舉朱從弟元介及戚屬共助之張賃居一椽鍼黹育子歷飢寒不易其操永盛妻張十九于歸能事孀姑二十七而寡遺子二俱幼衣食不繼有勸改適者張泣拒之曰吾法吾姑苦自能甘也撫二子稍長習負販貧窶如故張處之無怨言朱苦節四十三年年七十二張苦節三十一年年五十

七

通州高志

姚氏通州張維垣妻維垣與姚議婚後隨從父炳宦楚中炳卒於

官維垣卽隸湖廣籍入伍差務來北始成婚甫三月以限迫還楚姚寄食母家閏歲維垣遺書絕婚令姚改適親黨憤維垣無良聽姚自主姚泣告於親黨曰吾無故見絕於夫命不辰也倘死轉無以自明願終身爲張氏妾婦時年二十三居母家事親極孝每歲時伏臘猶祀張氏之先及父母歿始歸夫族叔家年踰五十循循執婦道張氏義之爲嗣一子已娶而天姚被棄守貞歷艱苦者五十一年卒年七十三張氏族人高其節葬於張氏之壠以從其志

通州高志

張氏香河生員孫維正妻維正卒氏方二十歲無子女立志守節與族人約曰田產俱以相付不缺衣食養我而已於是將所居室築垣周之止留一戶與夫叔號月亭者相聯月亭故盛德士富而好禮亦與氏約曰飲饌衣服我悉供之氏足不履戶外惟元旦一

拜月亭月亭亦答拜如此五十餘年壽七十八卒

香河劉志

徐氏密雲汪乾一妻歸乾一以賢孝稱母疾篤刲股肉進母尋愈無何徐竟死乾一復聘於生員楊鳳儀長女文娛未婚而乾一卒楊聞耗欲自殺以父母防之嚴不果乃白於父請臨其喪許之臨喪而返乾一葬有日請臨其穴許之既葬而返俄以春祭請祭於墓亦許之既祭而遂自歸於姑姑爲之請於其父母其父母知其終志不可奪也爲之告於宗族鄉黨而許之乾一家綦貧楊井曰親操仰其十指以養母已而終不給乾一從叔允興居京師傷其志且憐其貧挈楊奉姑居京師周之不倦康熙五十四年禮部郎中盧晉錫爲之傳

密雲丁志

方氏涿州滕氏奴之母也美姿容自入主家卽涕泣請於主婦曰某良家子不幸夫無藉凡役之賤且勞者不敢避但使與男子雜

居同役則不能一日以生孺子疾使視兼旬曉不交所養孺子凡
六人忠勤如始至自其夫自驚卽誓不與同寢處而夫死疏食終
其身

方望溪集

節婦段氏宛平民高位妻也京師俗早嫁娶位之死節婦年十七
有二子矣高氏無宗親依兄以居喪期畢數喻以更嫁節婦曰吾
不識兄意何居吾非難死也無如二子何其兄曰我正無如二子
何也我力食能長爲妹贍二甥乎節婦曰易耳自今日卽無累兄
但望毋羞我貧暇則頻過我使人知我尙有兄足矣方是時節婦
嫁時物僅餘一箱直三千取置門外索半直立售卽日移居小市
板屋中京師地貴或作板屋於中衢婦人貧無依者多僦居爲市
人縫紉節婦以此爲生幾二十年二子長始能僦屋以居二子幼
時節婦艱衣食不能使就學長子市販中年歿次子爲小吏以罪

謫遊左節婦復撫諸孫又十餘年孫裔發憤成進士贖其父以歸而節婦年九十矣節婦性嚴毅常早起子婦雖老終日侍立不命不敢坐齋之母谷氏性篤孝雞初鳴起灑埽奉匱侍盥就竈下作羹食親上之食畢然後退率以爲常及貴盛姻黨皆曰世有太夫人七十而執婢之役者乎將公爲節婦言之谷氏曰若毋言吾與姑故寒苦姑習我非我供事姑終不適吾皤然白髮身無疾灑埽盥饋以事吾姑此日可多得耶卒年九十六距位之死七十有九年始節婦所僦板屋在珠市西及孫貴卜居正當其地家僅數十出入呼擁婦時指示子孫姻黨京師之人亦以爲美談

方望溪文集

楊氏涿州人許宋雲龍爲室未結褵而雲龍歿楊聞往唁焉遂誓不他字其舅一桂力阻之曰吾家貧二老垂暮兼無次子何以守爲楊曰吾政以二老靡依願得奉侍左右以盡餘年至冰蘖滋味

分所應爾且舅尙有姪可嗣他復何慮乎尙必不從請以死殉因歸諸朱事舅姑曲盡婦職及舅姑相繼卒楊痛哭曰吾無生理矣遂鬱鬱而死乾隆十四年奉

旨旌表

涿州吳志

陳氏永清郭世清妻陳進禮女也康熙丁酉世清卒陳年二十有一無子苦志守貞孝養孀姑姑韓嘗病傷寒昏不省人數日疾甚勢不可支陳焚香禱天呼號神明一夕夢神人語曰若姑疾固不起非食若肉不可爲也已而姑沈困中忽思肉食陳心益竒之遂剖臂肉一盞調羹以進殊不自覺痛苦也韓噉而甘之頃間汗出沈疴遽瘳因自詫曰向所食肉味愈尋常得自何所乃甘美若是耶是時陳臂創漸發痛不可忍姑察聲色有異因詢得情一時爲之感激至於泣下陳於乾隆丁酉卒年八十一

永清周志

高貞女宛平高頤侯女也許嫁秦氏子文照舅姑前歿雍正五年
文照死貞女請衰經歸秦氏代夫承重事祖姑其父大駭招方侍
郎苞陳禮經以喻之志不移遂歸秦氏其年二十有二其舅之側
室李氏感焉誓守節與貞女同卧起父卒家散繼室暨幼女貧不
能自存貞女父黨無一人可倚而其夫之叔父子正徒手而食養
母畜妻子旁及兄之側室子婦力不能支人歲時過秦氏見貞女
敝衣菜色或冬無棉而意色常和以安方望溪秦門高貞女糾舉本引死年三十
有二卒之日命衣衾完者勿以殮迫冬進之祖姑卒後十日與文
照合葬秦氏先兆之側其買棺也匠師語其徒曰予良材價從其
低聞者多爲流涕方望溪秦仲高墓表

劉氏賈涑妻永清劉楠女也父早卒母胡寡居兄煜以家貧遠適
四川劉年方十四母患危疾一時醫者皆望望以去同村有崔氏

延江南談生抵其家視疾談故有能醫名非厚禮幣不能赴召劉聞卽婉曲求一顧療談視疾有難色劉長跪涕泣固請強爲之談不得已爲處厲劑冀幸萬一因謝去曰疾起不居功如其不起不受過也劉持葯徬徨計無所出因割股肉寸許投劑以進母服藥安卧中夜汗流浹膚體遲明沈疾遽瘳聞者異焉先是劉許嫁賈涑康熙庚子劉生十七年矣賈氏將議親迎劉以母老兄又遠出家無次丁命老僕徑以己意往哀舅姑云女子許嫁惟夫氏所命禮也雖然居室事父母他日所以事舅姑者也請須我三年俟兄歸俾母有養乃請爲婦事母之日短事舅之日長也夫女子未嫁稱父兄命未有以己意致夫氏者茲所謂禮之變不得已也於是舅姑相與感歎且憐其意許之比嫁而孝事舅姑若夫之祖父一如事其母焉其後兄嫂俱夭歿母老無依舅姑俾劉迎養於家又

與伯仲娣姒友愛無間其母終老賈氏伯仲相與謀曰劉氏弟婦實能孝事父母暨余祖父其母之喪何可薄也於是厚爲棺衾殯殮以慰劉心劉與涑夫婦相敬如賓有三子慶棣慶霖武學生慶

植生員

永清周志

崔氏霸州崔瑞女永清廩生鞏篤植妻也篤植卒崔年二十一無子以從子之琦爲之後崔撫育之孝事其舅舅老病崔躬親服侍不以委僕婢也舅卒附身附棺誠信合於禮之琦娶婦生子雍正癸卯卒婦張氏撫鞠遺子與崔形影相依支持門閥教孤孫其嗣從師受學每當延師啟館崔必莊肅升堂躬自拜謁祇率其嗣執弟子禮甚虔餽飲薦饌必親檢視乃授館人館舍清潔內外無譁館師有所徵求無不修具欽若神明惟恐一不得當館師爲所感動無不盡心啟迪故其嗣進業輒倍他人皆崔教也其嗣旣爲生

員因列崔節行聞得

旨旌表乾隆庚午卒年八十五張賢孝有崔風年十六嫁之琦明年生其嗣之琦卒其嗣甫八歲崔疾張左右服事凡十三晝夜目不交睫不知勞也崔卒張拊棺大慟曰與姑數十年相依爲命姑舍我去我亦無意於人世矣有孫三人曾孫九人雍容揖讓稱其

家法

永清周志

王氏永清鄒開妻也幼養夫家年十三與開成禮十六姑死哭泣極哀雍正己酉開卒王年二十有六遺子自亮生甫七年一女九歲家貧無所倚藉母子三人織蒿爲簾易錢支歲月自亮稍長出爲人傭得錢不計多寡悉以奉母未嘗自擅錙銖王猶自食其力積傭錢多輒賃人田身勤樹藝母子作苦十餘年而家稍有餘自亮念母勤劬或以善食勸進王泣誨之曰爾忘當日稗糲一合食

不充腸我與若姊出田間掘苦菜和糠粃雜咽之若傭工自外來問我食否我強云已飽時耶自亮亦泣而罷自是雖外出遇人家與珍食必淒然念母家中不敢輒嘗王治家精敏婦子滿前不欲自逸遇事輒身先之鄉黨欲上其節行爲之請旌表王力却之曰是爲名也

永清
周志

高氏永清縣生員陳應新妻同里高守業女也年十七歸應新越十二年應新卒遺子秀芝財七歲是時姑已沒世有夫弟三人長曰新次又新次代新與秀芝年齒相若高撫而育之恩愛備至人見之者謂若一母撫四子焉陳故有薄產舅日經營於外門以內高主持之事無大小皆犁然以辦舅老而死高之持喪葬盡誠盡敬合於禮經諸叔漸長次第授室又爲秀芝娶婦成家而高已老矣日新兄弟曰生我者父母長且成我者嫂氏也凡兄弟旣授室

則析爨以炊今不幸早喪母嫂之劬勞於我弟兄者心力瘡焉自
今以往兄弟有私貨財自便利溺厥妻與子不以嫂之心爲心者
非我父母所生子也諸弟若婦皆曰然由是閨房無私蓄雖一絮
之溫一味之甘非先奉高不敢自薦高亦柔而愛之諸叔俱壯盛
有子女高撫視溫卹不異孩提時或有小過必諄戒之若子婦然
無不惕然以警故諸叔娣婦以雍睦聞於一鄉高故善家政命曰
新又新率子秀芝力於穡事俾代新卒業於儒又能時其逸勞劑
其盈缺家中雖幼子穉女莫不得其至情人無知與不知見高皆
肅然起敬鄉黨推節行以高爲女宗高曰是諸叔與娣實能孝友
不墜先人家聲老婦何德之有憶夫病且死老婦當時實不欲生
嘗剖股燃脂禱神請以身代非特爲夫婦情亦謂舅老諸叔方幼
可無嫂不可無長兄然而竟不獲請命也夫今諸叔幸有成又皆

善良老婦坐享愧矣老婦何德之與有

永清周志

吳氏永清石璫妻年十八歸璫明年生子有聲又三年而璫死吳守志不嫁璫有祖父母年俱八十餘祖父病風痺坐卧出入非吳扶持之不善也祖父有狂易疾時令吳襁負院落中爲兒童戲稍不當意輒批頰辱詈吳曲意順之翁有時清醒或加意慰藉日向得勿非禮苦汝耶吳曰無之已疾復發則又狂易如初矣璫祖父母既沒舅姑亦虐遇吳姑劉繼室也生夫弟招少有聲一歲劉溺愛之奴使有聲不得與招共衣食冬月寢處無溫有聲呱呱徹夜啼而招則重茵增絮餌食滑甘或呼有聲至榻下食招所棄餘旁觀爲之流涕吳自若也比有聲娶婦劉又虐遇之吳率其婦婉順承顏卒無忤劉有母貧無依常寓食于石見吳所爲劇愛憐之以爲有婦如此不知憐惜我女其鉄石人耶劉所生女亦不忍其嫂

之重困苦也時時諷諭劉言嫂純孝鄉里莫不聞今我母遇之威人且謂女實無良而陷之使至於此也劉由是晚節稍寬假之家庭稱雍穆然而劉亦旋沒矣翁年七十餘猶娶繼室李齒與吳相若謙讓不敢專家政吳尊禮之與劉無異視焉晚年有聲夫婦相繼卒吳老無依宗黨憐而敬之以璫從弟之孫沼歧爲有聲後

永清

周志

永清閻氏賈浩妻也歸浩五年浩卒能守貧勵節教子毋廢書業姑性嚴毅閻能婉順得其歡閻在室時鄰有養婦人強醮之其婦伴爲理妝潛以刀斷其髮閻時方十歲爲之咨嗟歎息謂婦人不知此義非人也旣而竟行其志

永清周志

李氏李天福女永清張果妻也果父於天福爲私李以中表爲婚姻云雍正己酉李年十六歸于果癸丑果卒遺子喜兒生始週歲

舅老目瞽李養老撫孤勵志守節初果父子居韓村爲布牙生業足供溫飽及果病且死念父老廢謂李曰牙業不可恃族屬衆多若何所仰以資生不如改醮或得餘錢俾父老有所仰食余卽死不恨矣李泣對曰是非人所爲且人各有志必依藉於人乃得全節節亦不足重矣君行矣毋以我爲念也果卒舅亦旋歿布業爲從子輩所攘而從子輩皆爲縣吏居縣中不相顧恤李孑孑無依母弟姜士茂業農田見李孤孱挈以如姜志營買一廛以居躬勤佃種食力所出喜兒弱冠療天從子輩或請迎養城中李謝曰余天性不能安坐食也或議立從子爲嗣李曰諸從久爲吏不能力作田間若仰食於余余力固不給欲余就養其家未必安焉以是計之甯甘此終身聽其自然而已李生平艱難備歷未嘗受人寸絲粒米惠苦節四十餘載終如其誓夫言

永清周志

貞婦芮氏秉貞江南人也流寓武清少知書明大義年十九適無

賴子朱某姑復素行不修于歸未匝歲突有惡少數輩入室鬪飲

姑命行酒芮恐不免遂闔戶自經死時雍正乙卯十月事也武清志

武清劉之璋作貞婦詩云梁燕自有雙鴻鴻各成行妾本羅敷

女未行出采桑年紀二九餘入門拜姑嫜阿母頗歡喜得此好容

光再拜向良人狀貌亦昂藏仰望翼終身誰知未可量交遊盡狂

且所事俱不良自揣蒲柳姿難禦蜂蝶狂巢傾明詎完綱敗目誰

張一口大歡會攜燈就密房阿母遽開言新婦侑杯觴男女不相

親古禮設大防重違阿母意忤逆豈經常若前措一詞穢聲恐外

揚不如早避毋碍款娛場入室含酸辛東向拜爺娘非關匹配

差見命自不長非忘顧復思懼將遺體傷前日所結褵今日以懸

梁一絲永相繫從一聊自蕩遊魂莫化燕

亦莫化鴛鴦願作孤生草無人自幽芳

杜氏甯河廩生朱良雋妻生員杜薈女也少從父受內則女誡諸

篇舉動一遵禮法年十九歸良雋相敬以穆夫歿喪葬畢扃戶卧

數呼不應碎門入閉目不語姑撫床大慟曰若從吾兒死吾兩老

人亦從若死若何忍氏乃張目視姑久之因強起放聲哭引刀刺

面誓不他適及愈刀痕宛然氏無子近支無可繼者擇族孫鳳爲嗣鞠育如已出訪嚴師命從之遊家故貧日勤紡績供朝夕無怨言翁姑歿喪葬盡禮歲時祭祀必親履墳墓哭舅姑並哭其夫曠野悲風聞者泣下守節六十五年八十四歲卒乾隆十七年

旌表

甯河
丁志

杜氏生員鄭桂妻年十九適桂生子逢輝桂家素貧授徒寶坻之皇莊病氏聞無車馬急趨館所步行六十餘里及回家夫卧床褥不起朝夕侍湯藥惟謹五閱月而桂歿姑老子方九月氏慟哭絕而復蘇者再勺飲不入懵然不知爲喪葬計夜靜投繯急救而活及明嘔血數碗姑泣勸並請其母家慰解之氏意始回自是整理家務勤女紅以供甘旨姑倚之如子時因哀毀過度苦無乳日則抱子求食於鄰夜則嚼米汁哺之漸長防範甚嚴使就學舅氏家

逢輝補弟子生員食餼皆氏教誨力也守節至八十三歲卒乾隆十七年

旌表

甯河
丁志

張氏處士岳景純妾景純嫡妻馬氏中年病故遺二子屹然峻然俱幼景純納氏撫養之時氏年十八越六載生一女止七月而景純歿方病劇時呼二子前囑曰張氏無子年又少我死必嫁之無累若終身爲氏聞潛入密室投繯家人驚覺救之隨至夫所泣曰妾雖卑微侍巾櫛有年何不相信也適案頭有磁器具立碎之持刺其面血流滿頰且塗以墨景純太息數聲而瞑氏慟哭幾絕比及葬飭僕婢經紀家務攜子女於墓旁村落僦屋以居朝夕上奠逾年始歸面傷旣愈其墨痕斑斑猶存氏偶採蔬於園里中一輕薄子立牆缺以目挑之語且近譴氏大怒欲訴官某懼丐戚黨告

免不允哀懇數四令於夫墓前叩頭服罪乃止自是鄉里中無遠近皆稱爲鐵節婦蓋指其面上墨痕并其風操之勁也氏不獲逮事舅姑然遇忌日五鼓卽起親上茶酒率家人環拜子若孫遇歲科試必出膳田所積以資之且曰爾祖父賁恨處只此書香二字其勉之嫡長屹然入泮次峻然貢成均孫曾元三世凡十四人皆先後補弟子員氏鶴髮盈頭其家政猶稟命焉事之一如正嫡守節五十餘年壽七十有九而卒乾隆十九年

旌表

甯河關志

杜氏生員張培基妻年十二歸培基越五載培基故遺一子翁姑俱在氏誓以死守母憐其志遂截髮以誓之貧至無以餬口奉舅姑豐腆鬻簪珥不惜也夫故時子方數月撫育有道稍有知識卽教以孝弟市井里巷語不使一出其口比就外傳督其晨夕攻苦

不稍姑息讀書應試悉以婦工所得者資之嘗終日不舉火或勸其貸於鄰里氏泣曰吾以少年寡居食貧久矣敢向他人乞活乎掇草子野蔬食之嚴寒體無完衣卒無難色子補弟子員氏年八十二歲而卒乾隆十七年

旌表

甯河丁志

劉氏甯河州同杜履怡妻履怡爲大學士文端公姪孫氏歸履怡年十七舉二子懋論懋曾履怡忽患痰疾而絕氏驚悼昏仆在地一日夜始蘇見夫屍在側又絕去救之逾時方活泣曰適見夫子語我婦道代有終父母老子弱俯仰賴汝汝亟去不知其亡也述畢復痛絕舅姑泣勸氏乃放聲大哭向夫柩前書其昏迷中語於帛而藏之喪葬後屏膏沐稱未亡人姑王氏以傷子故得心疾常患頭暈暈則氏斜依姑旁以隻肱枕姑首至數日或半月總不假

手婢女舅恭琦時致仕家居見氏種種至性每呼婦必曰兒云方履怡歿時遺孤幼小氏善撫之甫能言卽教之識字凡小學綱鑑諸書皆親授之稍長擇品行端方者爲之師以故二子俱早有成立夫弟早亡無子以次子懋曾爲其後及病革命取向所書於帛之語以殉守節三十七年而卒乾隆十七年

旌表

甯河丁志

初氏東安旗庄初氏女永清楊彬妻也年十八歸彬又四年彬卒遺孤銳亮纔一歲餘初氏矢志守節始彬世業農有確田半頃粗給饘粥彬讀書能文章應童子試瀕得矣俄以卷污被斥大悵惋遂寢疾不起彬父得春大痛割謂有子而死安用支離衰朽爲因亦欲引決初氏泣跪請曰翁奈何若是誠不忍爾子之死顧忍令爾婦死爾子之死耶且婦所以不從而子地下亦爲姑老孫幼非

婦不支持翁奈何若是於是得春泣而許之當是田業既盡舅姑俱五十有餘彬有女弟在室未嫁初氏則摒擋奩具稍市薪米取楊柳枝劈績麻縷編爲糞箕若汲水器日易可數十錢指挂歲月未嘗仰助於人姑劉得春繼室也晚年目不見人然性嚴毅初氏每見必怡聲柔色僅免譴謫嘗嚴冬汲井水水凍手指著缶輒凝爲一置缶膚墮血出而姑方召語初氏忍痛強爲歡笑聲姑徐察訝之固詰得其情因執手欷歔撫之曰兒何至此由是遇之和于前劉嘗病頭風筋牽脉作痛徹心髓晝夜號呼謂婦速拯我婦速拯我初氏徬徨無如之何中夜見老嫗雪髻髮語初氏曰若姑病入膏肓醫藥所不理惟得人肉可瘥言訖忽不見初氏未解所謂明日命子銳亮詢巫者乃謂按法當於夜半焚楮禱北斗神乃可愈初氏則燃燭庭中密取鎌刀啟左臂割肉駢三指許置香几上

焚火燒脂匍匐下拜嚙肉忽然躍起載火旋繞若舟移水面僕僕
有聲火盡乃止跪起視姑卧榻則呻呼遽息是時子婦及夫妹驚
起詢之殊無痛苦視臂亦無血舐按坎知創相與錯愕及歸寢忽
見暗室中霽白有光澄視益真良久始散明日姑疾竟起人謂誠
孝獲天祐云

永清
周志

楊氏楊恂女永清縣人李名賢妻也年十八歸名賢家貧不能自
活三年名賢死遺子泉甫周晬勢益零丁不可支名賢季父棟諷
楊他適楊抱孤兒晝夜號泣不肯食棟亦惻然動容然而所居一
室編茅僅避風雨棟爲寄宿僧寮楊勤女紅易斗粟餽棟養殮未
嘗闕乏會大水涉旬月不能舉火則預儲善食食棟自取棟粃剉
榆膚作屑雜咽之後棟病風痺手足不能自運乃迎棟歸結葦幃
室中取蔽內外而飲食湯藥扶持朝夕殷勤無倦容棟病中思榆

莢初芽者和麥屑爲餌食楊求得榆林引繩緣樹登其巔方將取
閒俄而枝折人從半空摧墮地上望者驚譁徐見楊端坐不爲動
自謂空中若有所憑如神助云棟之病且死也時恍惚若見鬼神
語楊曰新婦勉乎哉余見神人告我上天感新婦孝俾爾子力田
以富孫當讀書以甲第起其家楊晚年家漸起乾隆三十九年卒
年六十四明年始得請旌於

朝

永清
周志

李氏東安李俊彩女永清溫得珠妻也年二十歸得珠得珠早失
恃父錫娶後母生二幼弟得珠不爲父母所愛叔父鏡亦時撻
楚之得珠由是得疾類狂易者及娶李舅姑惡其子遷虐及婦李
能婉順以受又私語解慰得珠得珠或稍悟起居父母父母輒撻
逐之其後顛益甚一日晝卧其叔父鏡自外呼之不應鏡怒將痛

咎之得珠疾起遁去父有女弟嫁別村因往投之叩頭呼姑救我姑救我其姑詢之得實因流涕曰癡兒何至是耶遂留命飯將挈以歸爲之營解得珠遽趨舍後投井中死訃至父母不哭李泣請治殮僅乃許之時在雍正甲寅也是年李遺腹子經元撫以守志舅溺愛後妻少子又恐經元長將析產強李使改適人不可則與其姑用非理凌折之至不可堪李度終不見容則抱孤兒上堂泣誓于姑舅曰婦人之義夫死終守夫室今新婦不肖不能事舅姑爲舅姑憂願還父母家天幸藐孤長大歲時能以杯酒澆若子墳土是新婦志也新婦旣不能奉事家中粒米寸絲于新婦無分受義他日藐孤長大終不以累諸叔氏矣願舅姑勉自愛諸叔善孝養慰高年勿復以新婦爲念也再拜出門慟哭而去道旁觀者一時俱爲雨泣是時李父俊彩家亦貧憐女苦志與諸子謀養贍之

李又泣曰女子適人無返食兄弟義今不幸處此願父爲兒籌畫生計俾寡婦孤兒得自食力再假一椽可庇風雨於願足矣俊彩爲賃地數畝李躬自耕種晝勤樹藝夜治鍼紉父兄又時時給助之經元漸長頗能勤業就外氏娶婦成家母子作苦三十餘年而業田及頃畝矣後溫錫老死繼姑所生俱不肖家業凋落兄弟又相繼卒姑衰病無依李聞之卽挈子婦諸孫歸于溫起居姑氏床下姑執李手唏歔流涕曰吾甚慚吾婦也由是相得異於平時未幾叔鏡亦死無子其妻與諸叔娣之嫠者皆仰食於經元經元有四子俱能力田孝養今李氏有曾孫矣

永清周志

張氏增生張榮女永清武生程大祿妻也初大祿父量廣有田連頃家饒於貲自以家世農夫不獲以儒業顯喟然曰吾得見諸子有着青衿齒鬢序者死不憾矣大祿獨感憤讀書以文詞就童子

試不遇憤甚去就武選甫獲雋爲武學生得咯血病家亦駸駸落
矣雍正壬子張年十九歸大祿孝於舅姑友於娣姒大祿方汲汲
於進取閨門以內曠如路人甲寅大祿病甚且死欲張守志而意
良不忍顧張目兄嫂曰幸善視之張喻其意卽兩泣曰婦人之義
與人居養親長子老身則終焉已與君爲夫婦恩愛日晷雖然請
畢其久者君毋爲怛化大祿於是釋然就舍越三日舉遺腹子玉
書遂撫育之意甚安焉已而伯氏卒其姒貧不能安其室而叔氏
亦挈其妻往姻內家舅姑俱老病不能與張獨支持門戶晝探薪
芻夜勤鍼紉日易升斗以奉舅姑能使舅姑一若不知其家之遭
中落者如是數年姑歿又二十餘年而舅始歿然益貧不能支玉
書生數年病風攣手指不能自運以此益無所爲生計父家稍溫
飽自舅姑未歿時亦稍稍資給之至是始就養於兄子然而終身

無有怨言

永清
周志

索氏索之祿女永清王興邦妻也年二十一歸興邦王家世業農
稱溫飽興邦性恢達好酒善談厭棄農業去而學賈賈業略通其
意又不屑屑權錙銖同業者盡其利而興邦枵然廓落乾隆丁巳
卒家業凋索遺子三省生甫四年業田僅十餘畝不足自活索奉
養其姑雖甚饗甘旨無缺姑爲興邦繼母攜前夫女幼育於興邦
家索與交懽如手足比嫁盡出其奩以爲資遺其女感激言曰余
生不幸有二父今始知嫂又一母也後姑疾將死卧床第者凡五
六月索爲衣不解帶奉事周給姑謝之曰余胞裏子女不及是矣
索自奉刻苦力於役作以佐生計業田傭值無所出輒自耕耘嘗
種二三畝許粟種下土須壯男蹴踏俾上下實乃得茁生索無所
得人足纖小不任力則著男子履實絮其中扶杖作力踐踏終畝

至足僵戾不能屈伸然後已夜歸復治鍼帶已女遣嫁資送不敵
姑氏女十之三女曰我母女不敢望祖母女茲所以爲我母也比
三省長成力田勤業雖不若興邦舊時而視索守貧年則倍蓰矣

永清
周志

宋氏宋守貴女永清趙振世妻也生十九年歸振世乾隆丁巳振
世卒宋年二十有四遭子又彬生始周歲宋撫以守志孝事舅姑
老疾喪葬能盡誠信合於禮宜家貧以女工自給依振世從兄振
銑以居振銑無子伯姒宋卒振銑再娶王氏王重醮婦也性駸滯
不慧振銑卒後其黨有無賴子利振銑遺業誘王使析居宋執不
可復誘振銑二女子使毒誓之二女幼穉未有知於是以惡語相
侵王從而佐之至不可堪宋念伯氏既亡遺業不守且散姒性駸
而從女俱幼匪人又從而惑之無可與辨析者不得已爲析爨以

炊米去而其黨欣然得志狼咽豕鬻蕩廢振銑遺貲殆盡復欲鬻
田田業故米券析米力爭之僅得不鬻未幾王卒二女亦長成知
事理於是迎宋合居其黨無所恃乃不敢侵擾宋辛勤經理數年
悉復舊業其鄉人謂如風雨飄搖破巢病雛無復生理宋爲營構
締結哺敷刷翅瘁瘠爲勞蓋善狀其實也遣嫁二女厚爲奩資又
嫁振世女弟於閭閻夫婦相繼卒孤甥標依宋以居爲之娶婦婦
卒復娶繼室至今猶撫養之伯氏卒無嗣續以己子又彬爲之後
謂伯氏支屬爲長義不可絕及又彬生子爲棠還爲振世孫焉方
振銑之卒有水宕十六頃與振世猶未析券鄉人欺宋孤弱謀侵
蝕之盡拔畫界木植宋號召族黨無出應者因持牒躬訴縣庭知
縣于昌親鞠之宋歷陳家事顛末詞旨酸楚理解清辨于爲悄然
動容卽命植木定界申禁不得侵漁宋乃得以安業厯歲旣久水

宕淤高菰蒲葭葦之利十倍于昔子孫由是起家稱小康焉宋年六十有五又彬爲棠俱生員又彬於乾隆甲申列宋節行聞於順天學政學政故吏部侍郎程名岩書勵志九熊旌其門楔

永清周志

張氏甯河邵聯瀛妻聯瀛歿氏年二十八無子忍死承舅姑言立侄蘭谷爲後時方弱齡飲食教誨罔不盡心蘭谷承母教爲邑名諸生居常以甘旨進氏必却曰吾義當從汝父於地下惟汝故留有待啜菽飲水足矣况我家腐菜素風慎無違先人儉德也尤勤女工朝起紡績至夜半不輟家人勸之終不聽後蘭谷又亡媳王氏年二十有七無子撫棺慟曰吾厚望夫子光大門閭今已矣未亡人其相從於地下矣旣而以孀姑在不敢損生於是忍死從義立嗣朝夕奉侍益謹姑時思子氏多方排解之而心愈自淒切逾三年竟鬱鬱以歿疾甚猶以不克終事老姑爲恨氏形影獨弔悼

子悲婦意愈悽然乾隆三十七年氏年七十乃得

旌
甯河
丁志

張氏永清王進才妻也初進才居貧有老母與兄進忠佃确地七八畝不足自存兄先娶貧家女又不能養張父力農稱小康女年十九歸進才資遺頗完具老姑甘旨伯奴衣飾若進忠兄弟田力有所不給大率取給奩中奩資既竭則乞貸父母家張父母愛其女賢常資給之故終姑世伯奴門內不聞愁嘆聲後父家亦貧而姑與伯奴亦相繼卒進才病卧床第張勤女紅餐菲糲而以善食食進才進才卒張年二十有九有諷以他適者泣而不對撫孤子永安永治至于成人永治爲伯氏後當進忠歿時進忠妻父挈永治去及娶婦遣歸而張亦爲永安授室從昆娣奴亦能孝事張相得無間如進忠兄弟時然貧益甚兄弟力作於外二婦早起寢息

左右于張雖燹火不繼未嘗見戚戚也永治又歿嫠婦依于永安
舊志曰余于張氏不難其節與孝而難其能友于伯姒也末俗風
靡兄弟家事小盈縮卽思析居婦人守奩中物而不據爲已有且
使姑與伯氏仰給終身非深明於大義者孰克與此其後食貧而
終無間言噫難矣哉

永清
周志

劉氏永清劉有和女生三年父歿劉幼依叔父有美年二十有三
歸李文燦爲繼室文燦有老母其前室遺子瑞生八年矣文燦貧
甚兄文燿早卒嫂挈遺腹子恭嫁於張氏及劉歸李張氏請反其
孤文燦母欲弗受劉請撫育存伯氏宗祀會歲大禋夫婦力作奉
老母育二穉子日食粗糲升合猶不能給而文燦負鄉鄰子母錢
積累無算天性樸訥見責負者面輒發頰旣度力不能償遂托經
營出門遠遁自是不復可蹤跡矣當是時姑老多病瑞方十歲恭

生財七歲劉扃戶一室力勤女工併日計食其叔父有美稍稍資給之因得樽節旨蓄指拄朝夕而仰事俯育未嘗有乏事焉姑晚歲目不見人不能悉家中事而劉侍姑前未嘗作咨嗟語告訴困窮姑疑劉別有儲蓄私用美食故以常餐進已乘間密詢瑞恭使搜剔劉所私饌瑞恭皆幼未有知搜所貯得稗實稊米雜糠屑其中既非常御轉以爲美食陰取進姑姑嘗之得實於是感激泣下以謂吾今而後始知吾新婦也後姑疾且死唏噓曰吾念燦也未嘗一日釋於心吾新婦支持良苦我對之傷於心不忍言爾瑞與恭非新婦出吾初慮其不毛裏也故力護持之而今而後二子其勿忘母德哉姑卒劉貧甚不能喪鄉鄰高其義爭劇金助棺衾殯葬所居賃室爲主者鬻於他姓李氏族黨相與鳩工創一室俾劉安焉時叔父有美官河西務把總或勸劉往依之劉曰二子未成

立往依叔父得給衣食則終身不復知稼穡艱難矣遂堅忍自守
教督瑞恭恩而有法瑞恭長有知識亦能率訓無違以次娶婦成
家兄弟相與力田孝養晚歲起家稱溫飽焉劉幸家事稍裕則念
文燦所逋負者其人大率非甚有餘歲久無可稽數人亦無肯爲
劉言遂命瑞恭具酒食召鄉黨所習故至其家酒三巡命瑞恭請
於衆曰亡人遠游累諸君深矣向者熒熒孤與嫠救死不贍固謂
雖死目且不瞑者爾今日事幸有秋母子得免凍餒諸君猶不言
我獨無愧於心乎因出紙筆俾各具款目自書其數有不在座者
互舉所知轉相告語於是一座爲之太息以謂劉固非常人也不
獲已則勉書本直固請不敢受仔息錢比終席得償去者五十餘
緡計數猶有所歉而劉實薄有所餘未能徧給則請期以三歲及
期又如前法凡文燦所逋雖粒鹽勺米之負無不擴然以清劉年

六十有三矣猶安儉素勤操作或問何爲自苦如是劉愴然曰吾

思亡人之不及見也

永清周志

韓氏韓國偉女永清葛士廉妻也年十七歸士廉士廉卒遺子滋生甫十歲有二女俱幼穉姑牛以老年喪子悲哀成疾韓奉侍左右輒爲歡笑解慰其姑視其寢處淚漬熒熒浮枕簟也未幾姑卒兩喪存舉家益凋落無以資生初士廉家故溫飽好藝植鬻田得價輒賃他人田種之鬻直多賃直寡計鬻十畝資可五十畝賃直也以此權子母自謂得算已而歲屢稔賃田旣多大耗糞蒔而鬻田不可復還由此家計益困所餘業田或更賃於人韓旣寡無所倚藉業田四畝不能出傭直則率子女躬履田間蒔苗耨草日炙肌膚面手皸痂不以屑意也然自是歲屢有秋業稍稍復能鬻辛茹苦指拄歲月俾子滋附村塾卒業詩書其後束修不給不得已

欲廢業塾師故生員何峻察得其情固命勿具贄乃得不廢夜課
無膏火則爇薪以代每晚自塾歸家就明間與食食已韓持葦薪
盈束就案啟書囊出所業編抽薪炷火俾滋就讀度一薪盡可默
識三數行須熟復再四乃更燃薪薪訖復憶如前如是往復盡一
束薪然後寢息以爲常後滋業有成能文詞爲生員授徒得資脰
脯而出事所獲亦浸豐饒娶婦嫁女皆韓力經營之晚歲諸孫滿
前家事無乏稱小康焉將卒命諸孫無廢儒業

永清
周志

蔣氏永清縣人張富妻也乾隆壬戌歸于富年十有六矣丙寅富
卒蔣方有身哀毀逾禮不爲激烈滅性其年生遺腹子維泗撫孤
守志能孝事舅姑夫有祖母年老多病嘗墮階傷足轉展牀第間
寢興動止非蔣不適也家故貧粗可具餽粥舅永泰豪酒好賓客
不問家人生計親故至其家必命具饌而家中實無觥石儲蔣勤

女工易酒脯或時脫簪珥質衣具供非時之給有知其故者堅不肯留至拔關而去永泰則故陳酒肉舉觥自酌或挽所不識者強與酬酢三行酒卽豪啖狼籍往往主人先醉頽然寐去鼻息如雷鳴客逡巡引退蔣徐出寫器具展拭几席以爲常以永泰卒家益凋落子維泗能服母訓爲愿農夫以是得支持門戶云姑晚年失明蔣已娶婦生孫矣然扶掖左右必躬親之弗以委子若婦姑每謂人曰昔先姑傷足非新婦不爲杖今老婦喪明非新婦不爲燭也

永清周志

西氏國梁長女永清生員蘇廷燧妻也生九年喪母依于祖母得祖母歡心年十九歸廷燧廷燧家世業農三兄皆力田以養廷燧獨發憤讀書未冠爲生員益自攻苦體素羸積勞成瘵親迎具禮而已西始入門解粧侍疾起居孀姑與伯叔娣姒相得如女兄弟

不數月廷燧卒西飲泣無聲家人察其無求生意而廷燧三兄婦方有身議以所生男爲之後於是稍稍安焉而伯氏生子廣命西子之成西志也西旣撫伯氏子遂孝事其姑不爲憔悴悲傷謂恐傷姑氏意姑嘗病瘡偃蹇床第凡數閱月衣不解帶摩娑搔抑無不微以中也捧持起居無不曲以適也伯氏仲氏感慨言曰服勞可能也達於無形無聲是其難能者矣姑疾且卒囑伯氏昆弟曰季婦賢而居嫠且善事我我死若曹善視之伯仲俱敬承母旨終其身未嘗議析爨焉嗣子廣讀書爲生員

永清周志

彰氏不詳其母族永清張之秀妻也生七年喪母能得繼母惟心年二十嫁之秀張家世業農至之秀始讀書能文詞屢困童子試積勞成療竟以不遇終彰年甫二十有八遺子鏗生八年之秀之將死也以母老子幼家無恒產欲彰守志而無以慰藉之因言老

幼無以爲久遠計則瞠目視彰覺其意卽慷慨曰君爲儒冠誤不可復農也賃田勤耕作足以供炊鏹鉞力縫紉足以給用老者請養之幼者請育之未亡人不死君則何患焉之秀頌之而嘆其行事俱如告之秀語之秀有二弟其仲出嗣從父後季婦早天季鰥居無以資生彰獨事舅姑老病死葬俱能稱盡心舅姑之將死也以謂之秀縱不死業儒有成余夫婦獲享其實不過若是已爾

周志

曹氏生員之瑚女永清張其蘊妻也年二十一歸其蘊其蘊先世以農業起家饒于貲至父學詩始讀書爲生員家亦浸落乾隆壬戌其蘊卒曹年二十七長子和甫五歲次子穆生匝歲耳學詩早卒姑張氏年老多病其蘊兄弟五人以貧故就食於外惟仲兄同居仲亦生員感婦言不能孝事老母姑就養於曹寢止一室中棟

宇陋敝不掩風雨則編葦爲席牽蘿補之仲氏屋脊相屬召工人
葺所居室惟畫界自新而已仲氏婦得私飲食恐和兄弟見之則
扃其戶和兄弟從門外偵視或牽衣啼索曹怒咎之以謂孺子美
人所有稍長且何所不至耶曹故端飭旣寡容色未衰東安有大
姓郭某家貲累鉅萬金慕曹甚欲聘爲繼室媒之不可乃重賂其
父之瑚邀飲其家款洽備至酒半出寶匣陳之瑚前實金珠其中
光彩照耀一席且曰以是爲若女聘其允翁無憂窮乏也之瑚爲
所動持匣詣曹顧難於詞說逡巡啟匣置几上目視曹曹覺其意
立起碎之泣謂之瑚父生兒且三十年奈何不知諒兒心耶之瑚
慚退反命于郭郭愈重之復啖其弟詭謂母疾也者而迎曹曹歸
其母與姑姊妹日夕說誘且曰從彼今日窮嫠婦明日富室孺人
矣曹憤甚不及駕車疾馳去王慶坻距家四十餘里不遑顧也其

弟控衛追送之出門數里外始及乘狼狽歸家自是足跡不踰閭閻寄語謝父母兒不肖不能順父母意從今以往當如兒死無復存問爲也方郭某將聘曹仲氏亦預其議至是亦爲感泣其先塋有硲地五畝仲以歸曹使給饘粥鄉鄰亦高其節行思周卹之而曹義不受無功粟明以刀尺縫紉之事故厚其工貲以將意焉由是日給得無匱乏終養老姑撫育二子至於成立云

永清周志

陳氏方洪寬繼妻陳本浙人媵於通州鄭姓時洪寬爲鄭僕事主能盡力妻陸歿主命以陳繼之陸遺女五歲陳撫如已出年二十九洪寬歿無子或勸改適陳以死誓願終身役於主家居恒習爲勞苦操作不怠主嘉其貞亦厚待之主歿主母及幼主俱嬰疾陳代理殯殮罔不中禮撫前室女長字於韓旋天陳泣曰悔未早葬若父母致女不得見也乃奉夫及前室喪請於幼主葬鄭塋之隙

地鄭氏埽墓亦附饗焉陳役於鄭凡遇幼主弟妹子女婿嫁及主
母喪靡不竭誠殫力且出所積貲以助匱乏其幼主通州舉人候
選教諭英述其堅操義行甚詳苦節四十四年卒年七十二

通州高志

皮氏通州庠生王懌妻滁蘇衛千總毓秀女年十七于歸事舅姑
孝相夫以賢能著年二十七夫亡子二長文元次文翰甫周晬皮
絕食欲殉時小姑貞女蘇王氏在室力勸之曰嫂若死嫂爲其易
耳福中兒忍累堂上耶乃勉進飲食以仰事俯育自任舅以喪子
故悲憤不解舉止異平時皮慮有他變延至戚相慰自跪舅前泣
告曰願翁念此二孫勿過傷使媳與孫無依也舅稍紓憂越三年
舅歿家益貧外家亦莫能助乃請於姑以所居餘屋分賃得租度
日奉姑惟恐失意身則凍餒無怨言姑憫其苦幾欲奪志皮以死
誓日勤鍼黹教子讀書文元年十四徙他業文翰就塾每歸必叩

所課頻督夜讀稍懈袒背示之有癰痕二寸許寬盈寸謂文翰曰
汝父病亟我割肉以進卒不效卽欲身殉爲汝輩苟活乃不自奮
耶文翰悟乃力學年十五補諸生皮素曉大義夫未歿小姑許於
蘇未字而寡欲奔喪皮重其貞躬送之王貞女已奉

旌表皮事姑終身不忘姑臨終謂孫婦曰汝姑善事我汝輩爲我
報之教二子成立俱爲擇婦苦節二十九年乾隆四十八年

旌表

通州高志

馮門雙節張氏通州馮書雲妻王氏廩生馮書爵妻也張王本中
表兄弟同歸於馮爲妯娌時姑高年七十餘多病兩婦奉事極孝
王年三十書爵歿張年三十書雲歿所遺子女俱幼姑病日篤兩
婦哀毀中侍奉湯藥旦夕不懈及姑歿各罄奩物以營殯葬自是
家益匱乏諸孤待哺兩婦力勤鍼黹育之雖身至凍餒相處絕無

怨言王苦節十六年以勞瘁嬰疾頻危屬張善撫其子女張如言待如已出書雲子秉銓書爵子秉鈞皆成立能篤友于人謂其善承母訓且天所以報兩婦節孝也王卒年四十五張卒年六十九

通州高志

鄢氏鄢某女永清蔡浩妻幼養於歲貢生張某乞以爲女年十五張爲許嫁於浩浩父早卒奉母依叔父景維以居浩性駸滯不爲景維所悅鄢年十九浩卒遺子生財數月鄢撫孤上事王姑與姑能盡孝養景維亦憐愛之姑後得疾類顛痴者居常啼笑無時毀裂所用器物無有完好又時時撻詈鄢鄢怡然順受惟潔清洒掃俾王姑叔舅安焉王姑晚年病風痺手足不能自運而飲食輒如常人鄢左右服侍跪起進餐王姑心憐之王姑卒景維經理於外門以內鄢主持之喪葬具舉無愆於禮未一年姑狂易轉甚疾勢

漸不可爲鄢朝夕奉事衣不解帶者凡數閱月卒鄢哭必盡哀經
營附身附棺無有廢事景維無子鄢固請納妾妾又無出乃撫他
姓子爲嗣鄢教其子以叔父事之無敢失禮景維卒疎族利其家
貲輒持外姓子不得主喪聞於庭中鄢出捍衛之以謂是叔舅所
愛者如以謂他姓不可賓宗則親莫如我我乃有二孫獨不可承
叔舅重乎市道論財吾不忍爲耳於是疏族乃不敢言子某爲國
子監生

永清
周志

任氏任恩次女永清仇致廣妻也生五年失父母與兄姊依伯氏
居伯氏婦李繼室也不甚相顧卹任常病疫家中人不知任生死
病愈亦不知何得免也及李病任年已稍長奉事湯藥如羞其母
李卒任哭盡哀人以是異之年十六歸致廣孝事孀姑仇故饒于
貲任自奉儉約一如寒素與致廣相敬如賓乾隆辛酉致廣病甚

夢屠人持刃刳豕自以生年己亥於辰爲豕屬知不可彥持耽欲
自殺任奪棄之燕香禱天請以身代致廣竟不起任時年二十四
長子永齡生四年次永祥生始七月有女二永祥生七歲而殤任
爲永齡娶婦遣嫁二女力經營之門無廢事乾隆庚辰永齡亦夭
婦燕無子勵志守節永齡之將死也夢官吏持文書若勾捕者視
之有永齡名左人曰是任氏子其母苦節盍舍之其人曰是有定
數不可如何者也初致廣昆弟三人伯曰致方仲曰致遠致廣其
季也久析居不相聞問而致廣與致遠素不相能及永齡死致遠
欲以己子爲任嗣任固不可乃以致方孫雲龍爲永齡後俾燕撫
之成其節也致遠後官河工縣丞虧帑金無算事發將抵死任爲
鬻田產償所負金乃得罷歸家居貧甚任又貲給之致遠頗慚悔
將死語其子曰季母之德不可忘也其子貧甚不能喪則又藉於

任雲龍所生父丕勲亦貧乏任周乏終其身家濱永定河乾隆丙戌河水泛溢乃遷南關當河溢時田禾及居民廬舍俱在水中任所居室垣牆堅固水不得入鄉民遭溺無所歸者任使盡舍其家避漂沒室故寬廣老幼男婦歸者如林任命塗門塞戶防水沖決集家中人自據正寢盡徹廳事堂除周廓列廡俾避患民分別遠近各依族屬部行班止環拱中室大出薪粟計口授糧老幼相扶男女隊別爐竈井汲部勒肅然數日水患漸平全活者不可勝計年雖老猶持家政肅然有條子婦燕惟起居盡孝而已燕同里萬箱女也年十七歸永齡後二年而寡或勸改適則涕泣曰吾姑與王姑皆累世執節我墜其家聲誠何心哉蓋永齡祖母楊夫華早卒亦以節著云燕旣撫雲龍雲龍幼穉燕化之以德姑有二女燕友睦之若女兄弟其季適人夫家貧乏燕輒告姑時周給焉或脫

簪珥鬪奩資以佐姑所不繼又念其姑節行無所表著私出所蓄奩資俾中表兄生員劉錡爲請於府司得

旨旌表

永清周志

燕氏葉可興妻永清人年十九于歸越六年可興卒遺子有聲財三歲燕泣不慘聲悲不形色夫弟可儒年僅十四察燕意似不欲生者而無以爲辭說每見燕輒涕潰不能自休燕喻其旨因曰若欲我不死耶若宜勉自愛砥礪有成立毋爲非誼辱先人家聲我爲若勉留一息終事老姑撫此穉子矣可儒泣諾可儒少跌宕不可規矩自是率燕教誨過于嚴母燕事姑雖甚困必備甘旨姑甚愛幼子及孫食必與偕燕度無餘不能復進則出所餐糲惡示可儒及其幼子二人故幼穉頗爲感動每侍食陽爲饜飫慰母意雖甚欲食不敢取充腸姑嘗病目失明醫藥無所效燕則清齋夜禱

北斗之神經年無少懈姑目久晦復明豁如破翳以出遠近聞者相傳爲異事焉燕自是夜必虔禱爲姑所壽考康甯姑後七十七年無疾而卒可儒業儒不成去爲農能力田以養有聲讀書能文章爲縣生員可儒有聲皆娶婦成家門庭雍睦稱孝友云

永清周志

郭氏永清郭樹芝女霸州吳繼科妻也年十九適吳翁諸生石潭繼科其次子也先是潭有弟名藻生二女無子潭以繼科嗣之長子殤勢難中悔無何潭卒繼科隨母王以田產歸藻藻與同居節婦知兩姑之間難爲婦也奉事之惟謹藻妻張性嚴而戾時怒其嫂節婦爲之調停張弗善也曰新婦我所娶而向他人兩小姑時時媒孽其短張恚虐遇之節婦承順無違然當盛怒之時每驚懼失措則又謂其顛預不曉事怒且詈王氏姑私相憐之不敢爲左右袒輒於無人處執其手泣以慰節婦節婦曰怒詈他人誤聽耳

生子未周歲繼科歿臨歿曰吾親也汝善事之吾子也汝善成之九原下感汝德矣時節婦年二十一痛絕數次顧念亡人有遺囑且族中有乘其孤弱而覬覦之者強起支應翁姑不知恤益虐使之日不足繼以夜詬誶之聲徹比鄰聞者爲不平而節婦心愈下氣愈和抱哺其子笑語如常恐傷王氏姑心也或勸之曰風雪如此惡家且貧苦守襁褓物何愚乎節婦但笑而不言然卒不得堂上歡兒三四歲便令離其母每歸甯欲與兒偕翁禁之曰兒許大無母可活汝歸任自便節婦若弗聞也者忍涕登車去父母稔知其苦憐之曰汝可審所自矣節婦泣然曰翁姑老矣子幼一旦舍之而去何以見死者於地下乎父聞言大痛曰眞吾女也未幾王氏姑卒翁姑愈嫉之促令歸母家旣歸日夜思兒甚曰得見吾兒一面死無恨矣忽一日心動坐立不安徙倚庭中不覺移步門

外見二小兒自南來私念曰庶吾兒來乎因泣下及至果兒其一則族子也母子相見大哭言翁病痰十數日矣節婦聞之驚不及稟父母徒步偕兒反至則翁卧床上驚哭問訊翁遽感悟拍床大噉曰負吾賢婦負吾賢婦於是翁哭姑亦哭節婦侍湯藥衣不解帶者年餘翁稍瘥而姑得暴疾卒翁病復發亦卒饑荒之歲諸凡無措而族人覬覦之者喜得而魚肉之節婦僞爲不知陰與兩小姑謀悉貨田產爲殯葬資羣謀遂息及爲兒娶婦生子女乃泣命兒曰吾所以不死者以受汝父託也然非耐困辱而折田產詎能全吾節以保汝身其子慎儀以善醫名提學者旌其門焉

霸州朱志

張氏永清縣張志金女孫興禹之妻生十五年于歸乾隆丙子興禹卒張年二十有八子鳳瑞生未暮月張撫以守志孝事孀姑能察形聲視聽及於隱微姑性方嚴張能將以婉順遂得慈愛無間

興禹疾且卒屬張善爲計毋慕高節名致中悔張聞之悲且憤卽疾趨庭除焚楮擲空中呼皇天后土所不保同穴者有如此楮長呼至再興禹由是坦然就舍其教孤子雖甚愛不爲姑息恩鳳瑞就師授讀性穎敏課誦輒倍同學生然往往易之不肯竟學張聞悲甚扃戶痛咎之謂有兒不肖不如無也孫故豐腴二世發婦榮焚撫數歲孤親黨過從見鳳瑞輒如抱玉以趨若惟恐蹶者張至是怒咎無少顧惜其黨聞者至爲咤咄相與力解得釋張爲竟日不餐鳳瑞長跪牀下泣請悔過張則泣然流涕曰我豈不惜兒耶幸承先人遺澤得無飢寒憂若祖與考皆賣志以沒家聲且中替爾不任克家先世鬼其餒而母子之愛繫我豈異於人言已復泣鳳瑞由是感憤力學能文章方從試有司猝遇疾卒時乾隆壬辰云鳳瑞婦楊年始十八無子勵志守節孝事其姑以及王姑雖年

少有綜理才嫁時年十五張遣以筦簞歸之處內外事井然有條
理楊母家貧羣從於資贈外或私有乞貸楊婉謝曰姑治事而我
以私家乞貸于姑情也今姑方假我事權則寸絲粒米非爲人婦
者所自擅矣我無子保此將欲誰屬惟女子事人於法不得顧私
黨爾而夫族有請急者輒稱姑命濟之因曰敦宗睦族大義固當
如是且是於我無親嫌亦所以廣姑惠也御僕婢恩而有法其有
怒斥者輒自愧曰今見罪于少主我誠不可爲人僕矣居常容色
溫婉然見之者謂若老師宿儒守經執法凜然有不可犯之色焉

永清
周志

黃氏永清王明搏妻也生二十年乾隆癸亥歸明搏壬申明搏卒
遺子法賢生財二年能撫孤子孝事其姑姑有疾則持被就姑宿
雖昏憊熟寐姑小咳唾未嘗聲不聞有所求索雖晦昧中亦能不

移以具比姑之卒歷數時月有兄公早卒無子伯妣撫遺女三人黃愛之與己子等由是娣妣甚相得其遺伯妣女嫁則出奩貲均盡爲三悉以贈女伯妣謂盡少留爲若子娶婦地黃笑曰子婦當自有貲遺也而家中實無所餘賃種旗莊地十餘畝不足日給遭歲歉無從得食則將收槐樹子和麥屑作飯雜咽之槐子味苦刻鏤入於心脾食不可堪則強自解曰是雖苦而氣冽以清稱未亡人志也伯妣天性疎散黃獨業勤未嘗望伯妣分勞伯妣好嘲謔往往詆戲之言或踰閑黃不爲色莊恐傷妣意每發輒笑解之故相處歷久終無間言法賢既長事世母如母伯妣三女既嫁歸甯親愛黃過於所生人之見之者不能問子女爲誰氏出也法賢以勤業起家一鄉稱其孝睦

永清周志

趙氏永清縣人高緒妻生十年喪母有弟文炳方五歲已能撫視

之如成人十五父歿偕文炳養於叔氏慧而解事能使叔父母愛
憐之年十有八歸于緒孝事舅姑及夫之祖父母門內外不聞問
言又六年乾隆壬申趙歸省叔氏緒家火夜起焚其居緒父子倉
猝不得出並焚死時趙生子天佑甫三月挈以歸甯一夕既寢天
佑忽驚啼徹夜不少休趙亦怔忡警怛若有告者遲明方欲辭歸
而高父子凶問忽至趙慟不欲生奔喪如禮或以趙年少勸改適
人趙泣對曰如此呱呱者何自火焚後家益貧趙以女紅給朝夕
後緒之祖父母及老姑先後歿世凡送終之具若春秋祀事未嘗
有缺焉趙痛舅與夫皆死慘終身不忍言歸甯

永清
周志

郭氏永清縣民李文燦妻年十七歸文燦是時文燦業間架市胡
麻磨磨爲膏易錢給衣食後歲稔失資業舅姑衰老郭生子女俱
幼穉文燦故愚情無所爲生私計鬻婦可半歲安食否則日事傭

作且不得飽郭知之泣謂文燦歲稔可復熟身失不可復全也且君鬻婦得食食盡婦不可還君庸免傭作耶我固不能堪此獨有死耳君得值我死是爲負人君不得值我死是兩失也爲君計亦左矣文燦不悟郭涕泣求死郭族父士魁知其事給短陌錢十千及四斗粟遂得支持朝夕郭則餼精食舅姑次取食文燦與二幼子自拾菽膚雜稗實糠粃和水咽之於是文燦乃不復言先是姑嘗得異疾自腰脊達於左股堅腫如石僵卧牀第不可少屈伸晝夜呻呼億賴垂絕郭鄭獨無計惟望空默禱謂姑疾有瘳雖鬻割體膚所不敢愛越日拊摩所患中堅漸釋如凍迎陽郭則夜半熱香中庭掀啟左袂齒齙肉起礪刃絕之颯爽有聲肉絕背顛釋刀置肉創無血刃肉則血色創則肉色投肉劑火火盡烟結蟠鬱如雲良久乃散郭匍匐下拜徐起裂繻裹創殊無痛苦數日姑疾竟

起家人相慶以謂是固弗藥者耳是時方夏六月郭偶炊釜炙胡麻熱逼刀創隱約作痛宛轉遷避間小姑微窺見之固詰得其情詫相告語其姑一時感激爲之泣下因憶疾沈困中恍若有神人蔽翼之云郭爲蔬食四月飲食不設鹽醢蓋割股時所自誓也方郭割股焚禱旣已夜分倦寐夢中見白髮媼促之起曰若姑免矣若恐不自免奈何若睡南首西面則免覺而面已西向至是益神異之初郭之始嫁也父家貧甚惟幼弟一人儲力於外父得疾不起郭請于舅姑歸甯侍疾扶掖浹便潔清牀第日夕無少休其母將死歸侍如前衣不解者經一月其至性如此

永清周志

解氏永清縣鎮監旗漢軍張泰妻也父解全力田致溫飽無子解氏端慧能得父心全度支屬無可繼者又甚愛女罄家嫁之解年二十有二歸張泰張故舊家已中落舅姑意甚諱之凡祭祀賓客

歲時酬酢小如其先舅姑輒引爲恥解能體舅姑意不自有其
貲又能資之而使若不知出於己也舅姑有三女愛若男子恥嫁
女之不如其娶婦也而難於婦謀之則色然憂解則盡出筐篋蓋
藏陳舅姑前四分之而請留其一曰婦家亦中人產嚮使父母更
有女兄弟三人資遺當不過此爾舅姑大悅曰余夫婦未嘗有子
婦也有女子子四人而一女大賢孝鄉人相傳以爲美談解歸泰
二年泰卒遺孤樹修生甫數月解撫而教之稍長偶出自門外來
間及市井遊語必痛懲之樹修能率教卒爲鄉黨自好者事姑十
九年事舅二十年俱以天年終姑老疾臥床不能起解扶持左右
衣不去帶者逾半年飲食藥餌必躬必親未嘗假僕婢手解全卒
無嗣春秋祀事解必虔肅以將邱壟楸柏望之蔚然過墓下者不
知其無後也解生雍正己酉稱未亡人在乾隆癸酉云

永清
周志

邢氏永清有起女燕宗灝妻也年十六嫁宗灝一年宗灝卒灝將卒自以無子邢年方少艾欲邢守志而意良不忍謂邢善擇所處我不忍強若以所難邢慷慨自矢宗灝瞠目良久而瞑是日向夕邢勞困倦極睡夢中屢見宗灝顏色慘戚若欲有言怔忡迷覺因泣撫尸曰我許君不嫁矣假而人事有變當以一死謝君君其瞑諸將葬燕氏宗族以宗灝年止中殤無可立後而邢齒在幼穉列於古未得笄也議遭嫁邢邢泣誓曰男子有室於禮爲成人女子已爲人婦無幼長也設余生子而夫婦一旦俱殞子且殤父母耶且我固誓夫以死殉矣於是議者乃不能奪邢孝事舅姑勗夫弟宗灝毋廢課誦謂叔氏失學非篤有墜家聲未亡人亦不知終身所倚託矣宗灝感憤卒業後爲生員壬辰宗灝生子二哥邢撫爲嗣在童子塾中歸家必令默所授書有訛誤必令熟復之然後卽

寢未嘗稍事姑息

永清周志

九兒姓江氏永清人父永年吳氏僕也九兒美容色性莊嚴自幼穉時處羣婢中不苟爲言笑家人異之及吳女歸滿洲德隆阿以九兒媵時年十有五矣慧而解事爲主所悅遂薦寢已而吳女病且卒囑以九兒處側室吳母悼女之死也則慰其婿取九兒歸欲治裝嫁焉九兒因跪請曰婢子身已屬郎君雖固微賤亦人倫也主奈何使婢子有二天耶哀請至三終不許嫁有日矣九兒則盡出衣飾分贈僚婢作遺施乘間出門投井死年纔十九在乾隆二十四年夏也

永清周志

趙氏霸州士毅女永清生員劉維屏繼室也生三歲伯氏士宏愛之育爲己女及長秀慧著於閨中維屏既喪偶乃議繼室媒灼紛然維屏母高稔趙女賢乃求爲婚姻趙始入門與伯仲娣姒相得

如女兄弟盤飧稀糲酒漿筐篚俱有典則能得姑氏歡心初維屏
從父熈卒無子父熈以維屏爲之後已而熈妾舉遺腹子維屏還
歸所生熈妻賜維屏田二十五畝爲熈作遺施及維塏兄弟析爨
五分爨產而僅以熈遺二十五畝歸之維屏維屏欲有言趙慰之
曰男子不自食力惟仰祖父所遺愧已天壤之大功名富貴學術
事功何者不可自取而斤斤井畝之下爭升斗水且傷骨肉和耶
維屏亦笑而罷兄弟議母所養母曰第五婦賢吾依于第五足娛
我晚年卽挈養贍田共維屏居焉維屏受田少不能自贍授徒京
師資廩脯所入以供滌澆甘旨又攻苦力學得咯血病未幾增劇
歸養于家趙力扶持拮据經營不敢言家計盈縮維屏將卒顧老
母不得所依趙力自任維屏瞑目而瞑趙時年二十有九云維屏
旣卒兄弟以趙夔處欲迎養高高曰吾得趙氏婦朝夕左右吾安

適焉雖三烹五鼎非所易也卒依于趙趙無子擇叔氏少子錡爲嗣趙因撫錡及八歲孤女教以幼學錡自家塾課歸必令默誦所受經書成誦則喜偶有遺脫卽懲戒之不爲姑息教女習繡或舉古大家能率婦德徵引故事示訓迪焉侍姑晨夕無間姑倚趙如左右手每朝夕食雖一蔬羹必躬自滌潔調和以進姑每食未嘗不甘自餐菲糲搏節儲蓄家事亦漸充裕姑卒伯仲以趙孀居且未授產議兄弟五人均出資財襄事不徵趙金趙曰姑生與我相依姑歿而我無與其事于心安乎且我固言男子不仰遺產又何以分授爲也卽竭力營數十金納于伯氏伯氏爲之感歎而喪費適以足用因量其貲益治觀美以謂志弟婦孝也趙初育于士宏士宏家故豐其後凋落又無子女晚年病疥偃蹇牀第間趙貲助終其身士宏婦王就養于趙及卒棺衾殯葬俱當禮則鄉人以謂

養女如是卽生男亦何加焉性惠慨自奉能約而恤患拯貧輒無
倦色有傭工壯未有室趙助之婚其人無以養卽令以家自隨門
有孺子丐者趙熟視之則鄉鄰魏氏兒也詢其所自則以年飢父
母兄妹分散無所蹤跡趙留養之其後夫妻子女復聚如初趙年
六十有四矣子綺爲廩膳生員淳謹樸愿重于鄉黨皆趙教也綺
女適邑人孫鳳彩乾隆丙申鳳彩卒劉年十九爲婚方匝歲耳是
年生遺腹子劉撫以守志雖年幼卽已堅凜若老成人每歸甯趙
引與同臥室時時述已舊事爲之典型孫氏人以謂于是見家範

焉

永清
周志

康氏薊州生員何希聖妻年二十四歲而夫亡遺一子鈞甫週歲
父母哭之曰何氏書香自此隕矣恒鬱鬱不樂氏上侍舅姑下教
幼子稍長卽勉令就塾歸令背誦於祖父母側以慰老人心鈞竟

少年食餼後以例貢肄業成鈞爲里中佳士乾隆二十五年學憲

旌其閭曰義方淑節

蘇州沈志

盧烈女佚其名據密雲縣志云邑人王釐瓚作詩贊之而不言事實今附錄其詩云古人烈女傳千載稱羅敷羅敷雖可傳自解爲有夫豈如彼姝子母殘女幼孤母操懷霜雪女貌賦雲茶庶幾得所天反哺報慈烏一旦崑岡炎玉石燼無殊運蹇值凶暴倚勢求歡娛烈女獨自奮顧母長哀呼伉儷非媒妁有生不如無懼彼白玉玷甘碎明珠一室雙雉經行道爲心吁盧家有少女綢常賴爾扶

王氏王自平女永清孫志金妻也年十七嫁志金越六年志金卒遺子煥生纔四歲舅姑俱年老有疾舅目又失明哀王年少家故貧欲使自擇所處王哀咤曰是殆禽視而豕教我也我不忍聞卽

勤力操作強舉粗重示可久狀王質故織柔善女紅志金生時蹤跡未嘗越戶外至是舅姑見其所爲相與歎息每出樵汲必與幼子偕嘗冬日汲水井上失手墮缶井中母子傍徨無如之何乃用長練束子腰脅間繫端大樹之本俾蹣跚伏井幹上窺良久僅乃得之取供晨炊其強自力苦如此然稍閒暇必率其子詣村塾中以女紅所餘贄童蒙師且曰固不敢望成名也孺子讀書識字能粗曉大義不爲禽息獸處庶幾人爾王旣習勤苦煥漸長又善經營舅姑老病喪葬未嘗仰助於人家無乏事其初佃人塲田二十畝餘晚歲有田連頃畝矣其卒也孫曾滿前子婦俱善孝養人以是樂稱其晚節云

永清周志

孝女牛氏昌平州人性至孝無兄弟矢志不嫁操作如男兒父母旣歿有問字者辭之曰吾不忍舍父母於生前忍舍之地下乎年

逾七十歿於家族人爲立碑墓側事在乾隆五十年

昌平宋志

周氏昌平人年及笄未字父母相次卽世遺兩弟一五歲一二歲號寒啼饑動輒呼姊女遂矢志撫弟誓死不嫁及弟長爲之婚娶女年已三十矣弟念姊撫字恩欲爲擇配女弗許曰弟已成立吾事畢矣遂退處一室鍵戶獨居不與人見弟婦早晚饋食皆自爨納之如是者三十年年六十而卒

昌平宋志

李氏薊州生員盧禧妻年二十八歲夫亡遺一子甫週歲立志守節家極貧以鍼帶爲生計雖藜藿不充處之若固然一日子匍匐入井氏見之情極卽亦投下置兒腹上浮水面以號鄉人急救之得不死問以不沉之故則云初下時以母子俱無生理未幾若有物負之者兒亦不知何以躍赴腕下遂提置於腹人皆以爲有神

佑云

薊州沈志

董氏永清生員賈灃繼室康熙六十一年灃故董年二十二無出
毀容絕粒將以身殉舅姑諭之乃止以族姪慶棠繼夫後歲歉家
貧躬先作苦姑病侍湯藥罔懈姑歿停柩在堂適北鄰火幾延燒
矣董仰天號慟俄而南風作得無恙人以爲孝感云乾隆五十四
年得

旨旌表

永清
續志

任氏霸州徐國玉母也年十九適徐朝桂朝桂家貧而習讀出嗣
胞伯父家亦貧任祇奉朝夕無間言及朝桂歿任年二十三慟幾
絕繼念舅姑年老子甫三歲勉起歲葬事服除歸甯請姊妹以貧
無可守勸之改適任怒斥之遂誓不復歸甯隨姑紡績度朝夕嘉
慶五年翁猝得痰病任轉側扶持之無幾微倦意翁食非肉不飽
任典衣以供甘旨而自咽糠粃不使翁姑知也逾年歲大飢翁思

食野菜任自涉水採以供翁勸而慰之曰賢哉吾婦卽子在能如是耶蓋翁自病後不起牀者七年事之如一日也十一年翁歿乃涕泣假貸以葬逾六年而姑歿亦如之時子已長不得已釋儒而商家以漸裕仍率子婦紡織如故族中有婚喪力不足者必資助之見里中少寡必語之曰天不負人方吾夫歿時只知守從一志雖貧不自存而心堅鐵石豈暇計及後日乃今衣食無缺子孫滿堂使當日志稍奪豈復有今日哉以故從而化之者衆如徐趙氏徐靳氏皆任姪婦並以節孝聞任之訓也年七十四卒道光十一年

旌表

霸州朱志

邢文林妻張氏家苦貧值歲旱夫赴塞外傭旋客死氏乞戚族贖錢昇夫兄歸夫骨夫兄中途耗其貲徒手返氏復積針黹所入二

十金攜幼姪出塞得夫骨於三座塔負以歸每至族次骨輒作巨響客驚詫氏祝之乃止有哀氏者命僕代負重不能舉氏祝而負之如故也見者歎爲奇節

武清縣採訪冊

烈女田氏武清縣田大成之女幼許字郭齊聖女年十七未成婚而齊聖卒訃至女失聲哭其母以女未過門抑止之女乃乞母攜之野一慟幾絕淚旬蹇脩反其聘母拒不納若惟恐女知者女聞然蹇惟出慨然曰若輩何爲我有死而已聞者失色持聘物去越數日翁姑丐姻族聯車至請見田氏母女慰歎婉諭言詞雜遝女俯泣若不聞有知其志者曰女殆欲赴翁姑家守節也女遽入室易衣裹被出拜翁姑別阿母將登車去翁姑辭以禮未備不日將除舍相迎乃已久之翁姑無逆女意但澆人示意使另受聘母亦意變遂別與議婚已有成說乃婉告女女不置可否寢食如恒母

不爲備乃潛取農家治螟毒置衣袖中摘葡萄雜而吞之救之不
及但聞空中人語云人生百歲終須死名節留傳死也生遂絕葬
田氏塋越二十八載其叔田大慶始以其事聞於衆遂集姻黨議
以其夫兄之子玉山爲嗣而合窆於郭氏啟棺棺已敗骨白如玉
咸以爲正氣所感

武情縣
採訪冊

張貞女武清人年十歲許字于

一本沛舅以欠租憤殺地主地主

故旗校讞成舉家戍甘肅遇赦不原女矢志不嫁紡織自活年四
十病歿而于沛在配所以軍功保舉守備娶妻生子已入泮矣沛
年七十嘗晝寢夢女來如泣如訴覺而異之如是者三適道光辛
巳恩科因命三子殿卿應京兆試就訪之果符所夢女之姪嚴識
墓所啟視之旗裝衣色面宛如生隨風向西而化殿卿扶柩歸甘
改葬鄉人爲詩送之又高貞女武生某女也字趙玉琴幼失恃舅

姑童養之玉琴年十一忽亡去舅往覓之皆不返貞女漸長以賢孝著既得玉琴父子凶問富家爭聘之堅不可事姑盡孝家故貧姑復多病氏勤於女紅自採野蔬雜糠粃食之而奉姑必以甘旨三十年如一日姑歿復侍老父終天年氏歿時年六十矣玉琴族子仙舫爲之徵詩文成集並請

旌表又玉貞女故家子也年十九歸劉氏婿年甫十三未合卺也女事王姑舅姑皆盡禮會村中有燈劇家人皆往觀惟王姑病不出女歸省之已寢乃入私室婿有叔名鐵者突出調之女堅拒遂懾以刃女乃狂呼復扼其喉氣盡聲嘶王姑始聞而驚起鐵遁去女亦昏絕卒未受污久之始蘇

武清採訪冊

高氏密雲縣人武生鵬之女夫張進寶內務府鑲黃旗人嘉慶十六年進寶卒高年二十三翁存信憫其年少告鵬曰吾夫妻年逾

六旬旦暮就木足下止此女可勿守也且僕家綦貧卽守亦無以
自存鵬諾商於高高曰婦人之義從一而終禮也親老子幼請身
任之雖貧何害高固嗜酒旗俗尤喜吸淡巴菰自是並禁絕之治
家勤儉操作有人所不堪者奉翁姑克先意承志教子嚴明翁姑
歿喪葬備禮家漸裕爲子榮桂娶於李氏子婦並能順事家人率
厭粱肉高蔬食如初日誦女孝經多心經寒暑無間子婦跪請進
精膳高曰非不肥甘悅口然終不逮淡泊之養心也未亡人前之
爲此所以代割耳削鼻也今改之初志伊何執不可李遂亦從而
蔬食咸豐十一年高年七十三卒遺囑曰後世子孫無論子女必
須讀書明理庶無忝所生云

密雲
丁志

劉氏固安縣人劉鶴鳴女許字新城孫廷玉年十五未婚而廷玉
死女告母乞往送葬父弗許女斷臂自誓父仍不許女泣數日縊

於室母救之不得死事聞於夫家舅姑備禮迎歸其夫已葬矣女請見夫面舅姑許啟棺女以巾拭之復自剪髮一束置夫首旁痛哭幾絕扶歸事舅姑甚謹守喪服閱自經而死

固安陳志

柳氏三河縣柳遇春女十七歲適密雲李成蘭道光三年成蘭卒柳年二十九親老家具子荃僅十歲當是時柳哀毀欲絕忽仰天呼曰今非死時也未亡人詎可以死謝責耶夫既葬爬羅衆務力任其難而不俾翁姑知曰恐傷親意也蓋成蘭歿時翁姑並年六十矣柳既善持家家小康自奉儉約而不吝施與夫姪社以貧故幾廢學柳資之膏火竟得就業成明經夫兄弟之女尙韶黝教養亦如所生比嫁竭力經營嫁衣裙襦皆柳所縫紉者也遠近族人窮困無依者率賙恤之并量能授以治生之道子荃年至三十率母教以起家柳性嚴毅饒居積發處五十年人無間言而家益裕

翁姑之喪家尙貧或以是爲憂柳曰吾所苟活者將以代吾夫事其親今縱不豐稱家有無敢惜費乎喪葬盡禮觀者莫不嘆服

密雲

志丁

某氏佚其姓父某古北口防守禦滿洲人夫姓關氏密雲人年十九于歸關固縣巨室氏夫尤豪侈極聲色之奉漁獵不已氏初不敢諫旣而闕寢疾乃婉言諫闕不聽諫綦切闕怒氏恐拂其意則疾將益劇遂不復諫及闕病篤謂氏曰我死汝將奚歸氏請以身殉闕漫應之不信也氏曰夫子終不信吾不能後夫子死吾死夫子乃瞑目矣遂爲嗣子授室畢執關手哭之慟揮淚出從容飲醢竟先闕卒邑人蘇振芳爲作關烈婦行

密雲志

王氏固安鄭孝妻孝本無賴屢欲出妻氏不允孝棄其廬舍且餓之氏歸外家紡紉易食凡二十年後孝病卧不能起氏聞奔赴寢

所飲食之孝死積紡紉工錢殮葬焉署縣陳給匾曰苦竹凌冬

固安

陳志

趙氏保定王進璽妻年十九歸進璽迨四載生子洪範方兩月而進璽死初璽病危語趙曰與汝中道相棄雖遺此子未知成育否奈家貧汝幼我死卽當改嫁幸帶此子去若得撫育成人我死自當感激璽亡後屢遭凶年不能存活公姑因倩其母勸其改適氏泣曰夫亡卽不願生矣所以隱忍不死者以夫永訣之際託付此子於我也生爲王家人死爲王家鬼豈能事二夫哉遂甘飢寒晝夜紡績事公姑執婦道及洪範七歲卽竭力延師供給讀書得入芹宮自青年以迄白首節凜冰霜人無間言云

保定
成志

王貞女薊州生員王天元女也生而莊靜許字蘇幹菀年十九婚有日矣幹菀以暴疾卒女請往成服父母不許百方覓死不得已

聽之既往蘇亦憐其少勸令歸堅執不肯曰旣入此門卽吾畢命處矣必令歸止有從亡人於地下耳翁姑見不可奪勉從之女縞衣素履朝夕哭拜殯後上侍舅姑克盡婦道鄉黨聞之莫不嘉嘆初姑有次子尙在襁褓姑多病氏代育之如親生侍老撫幼無片刻安絕無怨恨意未幾翁姑相繼歿女晝夜悲號哀慟鄰里多方勸解勉以撫幼弟爲蘇氏存宗豚女始節哀治事殯葬悉合古禮撫養幼弟以至成立蘇氏得再造焉郡人合詞請

旌道光七年藩憲飭發建坊銀兩

薊州沈志

韓孝女名孝梅宛平縣人父藻江南東流知縣母陳孝女有夙慧年十餘讀詩至女子有行遠兄弟父母卽掩卷涕泣終日嘿嘿有所思旣長有請姻者女聞大驚白母女願終養不嫁父不許伏地頓首出血慟哭固請良久父泣然命女起曰吾窺汝久矣今從汝

志女乃大喜會父去官貧不能歸諸子先後出謀養女代母執家政暇則侍父讀書賦詩論說史事以爲笑樂忘其身之在客也久之父年老病篤女自爲書詞刺臂血書之請減已算益親焚於城隍神祠哀泣陳懇語往復不已守祠者不忍聞掩涕引去而父卒不起女每發聲長號左右婢妾皆哭弔者汎濶沾襟鄰婦相呼避歸母家而女亦毀憊垂斃氣不絕如縷母撫之而泣曰吾老矣兒甯不少待耶孝女張目應曰不敢於是稍稍輟哭強起進饘粥逮易衰麻權家政如故女好讀書發寓舍所藏侍母午食竟則詣父畫像前抽一帙置案上旁立展卷卷盡更易他帙日三帙以爲常父歿之八年母亦病彌留之際凡子若婦若他女若孫若外孫並有所訓戒獨於女注視無一言而女已於是日絕粒食作書報父謂兒力竭矣母疾終不可爲行奉母見吾父地下女既不食家人

勸阻百端不聽一日若見陳夫人自外至急呼曰母來矣遂絕年

四十有二

陸繼輅韓孝女僑葬志銘

孫氏固安劉從聖妻年二十二而寡翁食不甘味自割其肉以進

翁知之爲之感泣姑病親侍湯藥壽七十八卒孫婦馮氏劉進書

妻舉人馮順女年二十二而寡通書史課子誦讀一門雙節鄉里

稱之

固安陳志

高氏王進財妻家素貧舅姑性嚴舅疾篤氏相夫侍湯藥夜深苦

油不給氏割右臂肉置燈中燃之後舅病漸愈氏創亦愈若有神

護自是舅姑厚待之署縣陳給扁曰至行感天

固安陳志

馬氏李光輝妻武清縣人年十九歸輝姑有異疾疾發作輒傷人

子女無敢近者氏獨委婉得姑意雖受重傷不去姑疾賴以減輝

力學致病將不起以母託氏氏泣諾輝卒氏事姑益篤姑歿氏視

舍殮畢遂仰藥家人環跪請解不許曰吾事畢矣君子當愛人以

德欲我苟活無謂也遂卒比飲色如生

武清采訪冊

李氏武清邢興妻事姑至孝姑病思肉貧不能致割臂烹以進姑食之病竟愈氏裊創臂難屈伸小姑歸甯怪問之以瘍對強視之大驚泣曰嫂善自愛必無害也氏創尋愈

武清采訪冊

關氏武清王文俊妻年二十一夫歿事姑至孝姑病甚醫皆束手氏自齧臂上肉不能斷以刀斷之和藥進姑竟愈同母兄關士珍欲爲請旌氏力止之曰守節盡孝婦人本分事豈以此沽名耶歿

年六十有四

武清采訪冊

李氏武清高傑妻年二十餘夫御車外出數年無耗或勸他適氏曰夫未知存亡姑老無依事之吾分也貧不能給遂爲人傭夜必歸伴姑凡所得悉以奉姑主人偶給甘旨未嘗入己口厯三十年

無少間姑歿殯葬盡禮年六十餘乃卒

武清采訪冊

顧氏武清曹阜泰妻年十九歸泰家漸貧不能具甘旨而舅姑衰老氏鬻鍼帶市以進越十年舅姑與夫相繼歿三子皆幼氏毀家營殯葬携子就食父母家父母老而無子氏代理家政奉親極豐而與諸子啖粗糲父母歿罄所有殯葬子毓桐妻黃氏性亦至孝顧病革割臂肉烹而進家人無知者後數年姑歿氏擗踊而左肱常屈人始知之

武清采訪冊

張孝女瑞符通州人賦性敏淑明大義幼失怙以母老誓不嫁待人寬厚勤女紅以濟家用素多病病革猶以親老未能終事爲恨並囑諸昆弟曰須解親憂勿以女故傷厥心也其純孝蓋性成云

卒年三十七

通州高志

關恭人通州李壯烈公載文妾公於咸豐六年在粵西殉難關年

十六歲有以改適諷者泣曰公忠臣妾得事之幸矣今寡命也縱不從死忍再辱乎遂與嫡氏偕歸鬱鬱以疾卒以嫡子貴贈恭人劉氏載文從子華之妾也華爲廣東巡檢卒於官有子甫三歲旁無親族宦張蕭然劉子遺孤爲扶柩計里人雷樹壩時知四會縣欽其節爲之經理海道歸其喪通州高志

楊氏霸州高士華之妻年十七于歸未幾士華疾氏晝夜侍湯藥焚香請代卒無效夫歿氏一慟幾絕水漿不入口者三日已而念子幼無依勉起操作不懈家道日裕延師教子親加考驗時復以立身行己相勗待夫弟與姪不分畛域不數年先後入泮氏性端重寡言笑事舅姑以禮待娣姒以和賢淑之聲聞於遠近同治時州郡上其事奉

旨建坊入祠

霸州周志

劉氏武清王廷選繼妻同治六年避賊鄰村賊踵至見舍後枯柳
空其中可容數人乃先納姑及前室子已抱幼女踞於外女啼不
止氏恐爲賊聞復携女出爲賊所及乃棄女道旁投井死姑與子
皆賴以全越數日家人始得其尸不腐亦不僵

武清采
訪冊

劉氏武清人家極貧携幼女從夫寄居小余莊趙老場圃中趙遣
氏夫入城遂調譏氏堅拒則以巨斧脅之不從竟死斧下幼女號
詈趙又殺之自易衣履以盜殺個人報令詣驗氏衷衣皆用線密
縫不可解令知有異詰趙趙色變視其襪則反著也視之見血跡
一訊而服

武清采
訪冊

陳二姑者名存性至孝幼受某氏聘壻殤遂矢志不字年十二母
患疫幾殆刲臂肉煮汁以進母汗發愈後五年馬賊至村縛父以
脅之姑奪賊刃自頸葬村外數著靈異踐其墓者輒發狂服罪乃

瘳武清采
訪冊

尹氏寶坻舊族女也美而賢年十七適艾姓子甫半載夫邁疾篤
氏泣日期百日與君見意在完夫葬矣及夫卒有土豪求爲側室
啗其翁姑聘金百田一頃翁姑欣然許之氏聞驚泣自陳翁姑叱
曰兒亡能復養汝耶氏知莫挽佯聽命且曰願翁收銀地畢媳卽
行矣翁喜告土豪土豪與金與地如數訖氏秉燭達旦若治裝者
寶暗拈鍼綫縫綴徧體迎之歸則已服鹵縗矣土豪惶急願將銀
地爲葬費迨旣殯卽肆追索乃首諸官邑令黃志元往驗之時方
炎暑啟棺顏色如生異香護體志元急令瘞之重懲土豪親往致
祭給額於廬建坊於墓以旌表之

寶坻
洪志

李氏甯河縣人趙宗鼎妻儒士李子訓女也自幼締姻宗鼎年十
四宗鼎得癰疾其家向李氏辭婚氏密知之慟哭求死寢食俱廢

父母懼嚴防之數日氏謂父母從一而終婦人之義誓不背盟他
適父母知不可奪聽之年十九于歸未及一載宗鼎亡氏泣血絕
食幾不欲生時氏年二十猶處女也立志守節孝事舅姑撫姪思
恭爲嗣方七歲家計窶且貧氏紡織佐讀思恭年十八縣試後忽
患頭痛以死已聘本邑張之琰女爲室時女年十九聞夫故欲奔
喪守節父母阻之因得病遂絕粒而死姑往視殮面色如生哭之
而去論者謂一門節烈洵足風焉

甯河
丁志

張氏大興人適房山縣庠生王明生方三載生沉疴不起執氏手
訣曰汝娠生男賴爾撫育幸矣若生女可奈何氏曰生男固善不
幸生女則隨子九泉耳夫歿哭之慟人勸以全孕乃稍節哀旣而
生女氏悲幾絕者數母趙氏強慰之曰女亦夫遺體也曷善視之
矧吾孤嫠撫汝匪易可弗念乎張泣曰兒旣爲王婦身非已有卽

欲事母不可得矣自是水漿不進口晝夜悲哀嘔血而卒監司邑

郡同旌其門

大興張志

孝女曹朱氏永清貢生汝諧孫女域之女也襁褓失怙母氏王苦志守節無子祇此女女有至性讀書通字義文公家禮曹大家女誠鄭氏女孝經皆曉焉母善病女侍疾調護唯謹相依爲命者十餘年幼字武清縣生員曹文甲婚期至女泣日哀哀父母生我劬勞丈夫子女子皆子也罔極之恩未嘗稍異母老且病何忍遽離聞者悲之同治九年母病增劇女目不交睫衣不解帶母卒請旌表祀節孝祠十二月送母入祀節孝祠見祠內祀二孝女留連久之歸卽吞金以殉遺手書二一與其夫云君家孝娥以身殉父兒愚祇知有母深負舅姑慈愛願更得賢婦以奉盤匱一與叔祖汝楫云兒終鮮兄弟母氏生多磨難伶仃孤苦人莫能知每一念

及五內如焚生不能孝願侍地下云云曹重其孝以其喪歸同治十年得

旨旌表

永清周志

貞女陳氏文安人父業木工早卒母守節撫之自幼許字同縣郭世傑世傑死母知女性不敢令知翁家故赤貧恐誤女終身請訂他族遲之又久有近村富室某新喪耦年少美姿容慕女賢欲倩冰人偕秦晉好女聞而始知郭死痛不欲生矢志誓守母勸之不從適夫喪二期周僞云奠別再作他圖及入郭氏門執子婦禮遂不返時光緒六年六月貞女年纔十八某義士憐其貧奉百金爲飽粥資女謝之曰守貞吾分也無端而受人金於義云何卒不受其清操又如此

文安采訪冊

榮姑文安縣馬頭村李氏女婢曰春華姓陳氏相依數年視如姊

妹行榮姑幼字朱氏子朱官於浙墾墾往十餘年音問斷絕女待
字年逾三十矣父母在時撫育之有兄無賴略不過問二老相繼
死女餽粥不給且患痿痺仰婢十指爲活女兄以博債急將粥婢
以償婢戀主不肯去撻之女護婢並撻女血狼藉不能堪主婢謀
曰與其分離而死何如並命之爲愈乎夜相持大慟密綴衣禪門
臨大河遲明偕往溺焉人手持外史梁廣文右僱兩烈女行云友
揚風義如樣之大筆對此涕淚空傍沱文安蕞爾縣馬頭寥落村
輶軒不恒到奇事宜里門春華其名潁川氏質身隴西供役便主
人有女字榮姑姊妹相看無異視榮姑幼結朱氏姻朱郎隨仕江
之濱錦字十年沈宦海緣窗卅載虛芳春不幸嬌姿遭疾疾翁姆
就撫難起立那有然鬚視藥人同復經歲絕踪跡堂前愛心沈虞
淵榮姑從此愁粥飽但仰女紅度長日然箕黃豆仍相煎惟有女
奴如共命十年不字扶姑病賣珠歸後問興居壓線間時親祇奉
朝夕低頭苦勸餐夜眠擁被寒同夢忽忽聲聞牆博債急索償謀
奪執幾婢質錢賣絹郎薄言逢怒肅如虎李陽老拳捶敗鼓病姑
匍匐遮以身撲地梨花碎春雨大杖小杖何紛紛杜鵑啼血血染
裙鄉鄰畏事各閉戶氣竭聲嘶如不聞婢在姑遲死婢去姑速亡
與其齟齬恨各分張何如就死相頤頤既不能如薛家紅線走堂堂

又不能如俠女竊負偕遠麗厓門蹈海扶幼主吾將追逐參翺翔
風翺翺兮雲憑憑天陰月黑楓林青當門巨浪如山傾水仙羽葆
來相迎主兮婢兮同一哭回頭猶見繡閣燈熒熒詰朝鄰人各驚
絕奔集河干相指說主衣鮮好密密縫婢衣暗敝重重結相見從
容就義時禮數不因造次滅可憐一水鎮空明生者何顏死者悅
昔年我作錢塘游曹娥祠廟臨江頭歲時村巫奏絃管我亦躬薦
蘋蘩羞干有餘載得匹儔彼蒼厚意君知不假饒主
姑無疾嫁不過媵妾青衣流孰若兩兩貞烈傳千秋

烈女王氏涿州人甲辰科武舉王恒齡之長女賦性幽靜嫻於女
工及長以孝聞親老撫弟妹及諸姪賴以成立年十九字同州周
彝章三子光緒八年八月周氏子未婚而卒女聞之欲奔喪持服
爲父母勸阻鬱鬱成疾後聞訃帖退回遂劇絕醫藥飲食父母泣
諭再三皆明茹而暗吐之延至十月初竟賫恨而終臨危仍以歸
周氏爲言年二十歲

涿州采訪冊

華陽吳祖椿校